



緱山先生集卷之三

太倉王衡辰玉甫著

男時敏

婿李宗之校

李見羅先生之在難也其弟子止菴羅君  
偕其二三同志僦居長安納橐餽焉余既  
聞而義之迨羅君歸顧我于家連榻再夕  
愛其奧雅于其行以短歌呈別

古人結轍從其師使赴水火亦不辭今人友道

棄如土朝爲弟子暮爲虜咄嗟海客死田橫何  
如馬融帳下逢衣生一朝倉皇散如霧反令俠  
者留其名况今天下盡婦女閃忽人心自風雨  
漸聞室有戈非止市有虎市有虎尚可室戈能  
殺我目中僅見李豫章急難兄弟奔相將側身  
痛哭雷霆傍九關虎豹天蒼蒼朱生已死盧生  
餓獨有盧生下簾坐朝來分得磨鏡錢強半篝  
燈獄中臥丹者寸心白者虹上帝感動精誠通  
峩峩豐城雙劔氣紫光晝夜磨崆峒天寧土繡  
未喪天視君舌

送人官塞上

長弘血人自書傳夏侯訣君其先歸掃庭雪文  
從事衫擲還骷髏月未午

長孺自燕至作

隔手遙相喚高齋榻已溫話來兼涕笑坐次失  
寒暄雨膩紅蓮沼烟封綠篠門淒淒燕市筑細  
語入黃昏

各敘五年事別來看鬢鬚風塵能頓老山澤未  
爲癯心狎耕漁漸夢尋悲喜無燈前憐瘦影珍  
重說征途

送李長卿遊甘州

石門風雨大刀環夜入金城虜氣寒一道墨花  
飛盾鼻軍前萬舞拜呼韓  
白草黃河漲落暉馬頭三月碎霜飛投觚四十  
未爲老醉脫青衫試鐵衣

凍月蒼蒼雨雪零前軍已掩幕南庭五更帳內  
猶歌舞狄道烟消鳥鼠青

律律西風隴樹秋佩刀刺石取封侯平生知我  
龍泉在十萬軍麾擁蒯緱

韞車鍛矢驟胡風草木千山助火攻萬里燒荒  
空蜀帳甘泉猶憶隴西烽  
落日煥蠡烏尾訛將軍闔外立雕戈忍將無定  
河邊骨鬼哭長城博凱歌

夜占河鼓彗挽槍赤白飛馳報破羌虜粟不風  
鈴柝靜滿樓清嘯月如霜

材官突騎百爲群解取涼州獨有君戲下請纓  
來五部臥彪爭識李將軍

送孫見田任儀封

綰綬誰年少當時陸浚儀政閑更雀靜春到驛  
梅知別思知秦洧遙心託具茨况聞潁水上故  
有鳳凰枝

和殷無美感懷

比覺歲時易轉于魚鳥親可憐爲客老何似有  
官貧東閣梅如我西風鴈欲賓聊將試舟楫話

與未歸人

隴水風磨劔金城雪叩弦書生懷主辱立馬贈  
君鞭荒燒餘千里螟蠶尚兩川左賢曾否遁忍  
問太湖田

軍書若鞅掌轉憶習家池何地無風雨登壇亦  
鼓旗夢酣楊柳月酒醒杏花時樽俎功名在春  
光幸可私

送友人之蜀

思君何日下三巴錦水春風不念家遮莫劔南

楊柳盡一枝煩寄刺桐花

孫烈婦

生當共餽糜死復共誰之不改糟糠腸與吾死  
者知

郎不爲儂死儂自爲郎死芙蓉爲誰枯髮鬢滴  
秋水

三年綉羅衾鴛鴦未成眼魂魄倘有知留與妾  
舒卷

妾許黃泉誓難使茲言負鬼唱白頭吟待妾亦

已久

漆燈青熒熒土花碧萋萋夜臺日月沉兩髦去  
何其

東歸至通州別季良

惻惻出東郭悠悠臨遠道吸吸風舉衣澹澹沙  
覆草豈無親知觴可緩憂心擣征馬躑躅嘶對  
此慘不飽欲別再三顧腸結語言少與子皆壯  
年荏苒忽半老况我白髮親愁疾切自保  
聚散紛不常忽若雲舒卷豈不見故壑出岫夫

已遠曖曖空中暉柰此獨行蹇竭將百口歸誰  
與暖老眼賴子相將護彼此聊自遣乍爲伐寒  
暄久當習洗腆願言共携手松竹幸未剪  
初走燕趙郊騰塵闔余睫幸我骨肉諧漸且囂  
臭帖明發出都門忽與惡况接沙磧紛回薄昏  
風晝相攝驛古鴉巢空渾流歎徒涉差池帆影  
東衡宇返故業東南亦得朋但恨無子轍騰茲  
于役人誰不苦切切  
靡靡客行邁憂緒錯如織乍經離別悲彌覺兄

弟力余姊健婦人將事勝余百執爨或執羈分  
任豈不適一朝化陳人視子情倍戚雖獲同肺  
腸尚苦薄羽翼風雨原花青靈其駐魂魄鬼猶  
顧急難吾言詎容食

### 東歸別諸友

二月楊柳毳莽莽沙相蒙造次褰車帷遇我意  
所同持盃候道傍欲緩驪車東人生易偶合豈  
此樽酒窮慷慨別君去瀟灑從歸鴻日暮烟迷  
離點點江水空解衫倚風檻撩索推雨蓬乃知

黃河水不如杯酒濃行矣勿復道歸歟樂吳儂

守風

久厭京塵惡塵途故許長風吹榆莢老沙罨柳  
稊黃沓浪襄官渡連雲落大荒臨淄剛一水何  
事日相望

途次雜詠

中夜雨汨汨朝宿草頭鮮女兒學鶯雛試上桑  
樹顛

四顧沙漫漫維舟青草步月出聞鷄鳴人家在

深樹

朝來楊柳青楊柳始破眼早不照別離空將樹  
枝撚

磧歷瘦馬行空原餓鴟叫寥寥壯夫心悠悠往  
來道

感懷

簪筆虛丹旤趨朝沒紫宸官猶慚退食吾感易  
呈身桃李無成徑菁莪漸可薪忍令明盛世東  
海有波臣

層雲迷鴈渡暗雨入船聲愁夢不可贈人言虛  
自驚獨行常問路欲隱恨無名端爲文章悞予  
今老未畊  
非無長者客相與古人期懶未衣冠狎名將造  
化疑桑麻兄弟在鴻鴈稻梁私吾道貧如此思  
君詎可詒  
不記遠遊歲但驚梅柳踈春陽行暮矣吾黨賦  
歸歟久已恬羅雀何當復羨魚由來非闕夢祇  
爲古人書

九宇衣裳治千闕草木兵罪言聊自語任隱爲  
人榮飲啄皆君父行藏畏友生老農藜藿在忍  
道主憂輕

南旺

東西流水界平沙半憶長安半念家綠盡槐南  
渾不覺藥欄紅老石榴花

過留侯祠

祖龍布毒燄六社墟爲烟手操報秦椎乃此弱  
少季一擊不中去東海黃金散盡舌尚存而今

悔盡少年心行授嶧陽老子兵終扶赤帝噓炎  
精以漢報韓心自盟杯底龍蛇楚漢剖箸前縱  
橫六國走功成持我黃石書以問赤松當是否  
赤松黃石不可知豈其同茹商山芝未央鍾室  
烹壯士公方雲臥留之湄生前不戀侯萬戶身  
後寧貪一坏土神仙不死俠骨香月冷波清自  
今古

入榮漂母祠

寂寞王孫路名由一飯揚悠悠男子足未省報

恩場

憶昔

五年去冉冉聚散此邗溝半非別離侶翻甚別  
離愁

戲成

南兒使快船北兒使快馬誰裹千日糧窮彼四  
天下

寄家信

且暮郵筒便北來音尚踈愁多滋畏卜語盡強

裁書醉自逢人足花猶此月餘寄聲天上客松  
竹故吾廬

天下瀘水鄒座師以詩寵別賦此寄荅

丈夫寥落心所重同風期古人千秋契亦以一  
日知鄙也挾策來賓筵厠威儀郁郁桃李花寧  
與春風私所幸侍君子苹蒿樂吾饑君子冰玉  
心古道勤自持顧獨鑒愚鈍結交衷不疑相與  
共臭味至或分毀譏聚散夫何常忽忽與君辭  
歎息吾道東欲贈無將離流言任丹青兩心要

不移人生若雲流動且經年睽不慮改毛髮但  
留施目眉殷勤服矩誨行藏倍驅馳願言愛玉  
體時哉勗光輝

雨中過陳仲醇遂將之至舟中話兩日夜  
各賦志喜

五年長安共醒醉素衣飽着長安膩疑將面目  
見故人猶喜故人不吾避羨子歷陸黃鬚青而  
我兩眼俱添紋不如意事將訴君與君拍手談  
如雲爾目不閱公車牘爾自不領大庖肉微吟

痛飲得自然心中無事妨耕讀君不見國門有  
棘不可斯維雉有羅鴻羅之少年行且甘伏雌  
苦哀老子何能爲熟與君家共舖糜如何對酒  
能不思但念人生孰朝暮往日吾曹半非故山  
陽不盡笛中愁散作蒿丘草頭露何不瞥從陳  
先生春月春波樂鷗鷺今雨續舊雨烟波浩茫  
茫推篷看北斗宛在湖中央蟬連緩語將子去  
扁舟隨意高雲涼弟兄會合良有數巴山話雨  
莫相忘

雨舟中同仲立仲醇話舊兼讀二子詩湯

賦

敢疑肝膽變茲事有將無誰分人司馬甘爲鬼  
董狐惜誓松筠老追歡歲月徂較量醒醉裏端  
不負吾徒

泛月園池同長孺仲醇作

盤槐下夕陽樹影照中黃片月含羣動虛舟觸  
晚涼烟踈浮竹翠水靜汎荷香三更如雨露猶  
喜未爲霜

宛轉芙蓉月溶溶  
傍我移遊魚擁虛沫  
烏鵲選深枝  
波影蕩舟白  
星輝入戶疑相持  
一樽酒明日夜何其

喜長孺仲醇至

東歸游子月當蠶  
思入涼風更不堪  
人在各天心自遠  
燈青深夜話初酣  
芙蓉池上秋千頃  
竹篠齋頭雨一龕  
轉憶長安蕭瑟甚  
幾回搔首賦江南

仲醇病起

依然松火半扉紅  
何似維摩丈室空  
渴有五更垂葉露  
涼當七月入林風  
豈無榻夢留知己  
故遣詩魔病乃公  
好自茂陵消息在  
五茸秋雨露濛濛

秋水同仲醇賦

江介紅蘭亞水枝  
江流浩渺正堪悲  
霜風半白蒹葭浦  
日月雙含雁鷺池  
牛渚飛星翻浪夜  
瀟湘微雨上潮時  
戎戎浦嶼漁村外  
何地扁舟不可期

河影高懸天井東微波瑟瑟洞庭風烟橫雙鳥  
寒塘外雨亂千帆秋色中八月濤聲催落木五  
湖霜氣醉青楓夕陽無際滄江遠極目蒼茫一  
暮鴻

秋聲同仲醇賦

夜靜空齋露氣清蕭然天地一秋聲蘆花簌簌  
鴈初至榕葉蘇蘇蟬亂鳴迢遞雙砧懸朔漢叅  
差片笛滿江城年來意漸關搖落風雨重陽白  
髮生

高城河漢萬家秋蕭蕭風搖百草頭忽驟花鈴  
驚鳥雀自敲玉馬雜笙篴雨收衆籟歸虛壑月  
引涼颼度遠樓正是停闌無賴甚滿堂蟋蟀使  
人愁

碩寬堂詩爲黃葵陽座師賦

彼美碧山下悠然天一方春風來燕燕夜月問  
烏烏草閣殘書擁花塲半俸租秋園蝴蝶老夢  
覺始爲吾

少有足高隱偶然成臥游少年勞具錦老我已

菟裘灌木城陰暮芙蓉塘上秋浮雲闌檻外別  
是一重愁

豈無憂國淚瀟灑到漁樵局外看誰是壺中且  
自驕菊青吳市酒楓暗浙江潮初狎沙鷗伴安  
車未許招

自嘆

不關行路客苦費篋中書人競營巢窟吾能保  
蠹魚燈明黃葉裏月照白頭初天地如窮我衡  
門尚有餘

懷仲醇

一片芙蓉水剛容二子舟意中人遠近明月夜  
窓頭

計偕別長孺仲醇

結旆蕭蕭事遠遊沙湖潮上荻花秋征帆日落  
長江外送客鍾聞野渡頭一夜弟兄吳市酒幾  
回風雪剡溪舟緇塵古道渾如許珍重初衣問

白鷗

臨岐立馬太逡巡共折梅花贈早春未必文章

能重我不甘，嘖笑強供人。蒼蒼雪凍關，河月薄。  
薄霜棲野戍，塵海上暮雲。曾入夢，秋風非是憶。  
江蓴。烏啼城樹夜，中央別客如雲。意短長去去，未知  
吾道是勞勞。已覺此生忙，苦寒月似長安白。破  
臘花開故國香，但有兩生相。勞慰肯從風雨問，  
行藏。

游虎丘有待不至

昔日讀書處，蘿關封至今。法筵山風雨，變半塢竹。

茶深新沐澗，中影閒行石。上心無人解，相語漠  
漠釣磯陰。

別親友

遠道偶然發，賓朋已在門。將誰共裘馬，代我治  
琴樽。爲道非貧仕，憂時敢罪言。杯前畏途始，語  
盡此黃昏。

丹陽走陸道

固自別非遠，易令老者傷。月今帆上白，雪又馬  
頭黃。苦竹漁樵市，枯蘆鳧鴈塘。人生歎于役，僕

僕過丹陽  
陂陀岸容改造次客裝單隔浦看檣樹披裘試  
馬鞍苦霧年年白重雲習習寒記君臘酒熟吾  
亦醉邯鄲

曾酒不成醉旅更聽乍長首途逢雨雪中夜攬  
衣裳人語車鈴動鼠啼燈火黃郵程纔足下吾  
意已茫茫

濠上

灑然古人心落落山水餘濠水不可梁徘徊濠

上魚

彭城

百里流澌擁雪來亂山千點對啣杯村中醉擊  
枌榆鼓寂寂花飛戲馬臺

關橋

拂拭頭上霜深林不辭罰聊與關橋人共此關  
橋月

嶧山

海外來浮石空中自累丸桐霜清古寺杏雨繡

深壇曾望暮烟直秦封白日寒愁看茅店火隱  
隱近征鞍

樹頭霜花

片野雪初白千林風乍微鬢鬆踈舊竹颯沓寄  
征衣草木開天地春秋占是非廣州三月路記  
得柳依依

寓極樂寺

灣灣綠水帶城陰白日青蓮雙樹林萬疊雲山  
千里夢六時鐘磬五更心寒燈貝葉翻香蠹春

日簷花坐語禽隨意竹床葵菜好經簾不捲畫  
堂深

寓甕山

山圍平楚樹周遭迢遞河丘界遠臯蹴蹴春冰  
浮草色茫茫日暮起松濤烟明碧瓦幡花落野  
簇紅雲睥睨高十載空悲在朝市一泓湖水湛  
征袍

游普通庵

陰岑結巖扉蘿關掩深築愛此森沉光餘清散

疎竹石裂瀦田潭潭流自成曲亂石縱橫梁時  
倚老樹腹冰乳鳴鏗錚寒鱗互驚蹙谷外天茫  
茫稀微寺烟綠有酒不盈樽清風坐來穆空谷  
何自聲正與吾耳逐溪頭浣花兒其上喧採牧  
和蒼良有以何必豕與鹿心將廣視閑境以幽  
賞獨今游非昔游吾生詎爲足

夜踏青龍橋

散步逐流月月流溪滿門薄暈生纖妍中天澹  
孤痕殷殷犬聲裡往往見墟村夜氣清微鍾烟  
華簪陵屯轉歷燈火盡平橋坐言言忽見招搖  
星澹蕩落酒樽今夜一何遽嘆息休山樊

十三日夜步月至妙應寺登毘盧閣

憶昨風花天何意得今夕有月且復醉暇計今  
與昔相將涉虛臺游氛四垂關市里渺浮浮湖  
山靜歷歷亦有松檜枝團影蕩石壁如彼河漢  
間踈雲淡相織童子初試燈試燈受華色辰物  
洵明茂膏火若爲力歸掩丈室關宛此一庭白  
獨坐光悄然樹末風策策

續山先生集卷之三  
再游望湖亭風葉葉  
精籃絢殊采過之若有亡循坐湖上亭欲去神  
徬徨以彼一掬水而具虛空量埃風暗如霧受  
之甘且涼山氛鼓澤腹施施風旗揚鱸魚負水  
洑豈必河之魴去此一春秋照我鬚髮黃影影  
不可停喟然歌滄浪

百花朝詩

階前樹色感朝陽養得新條婀娜長但願風光  
似今日逐回花煖少年場

晴烟膏露若爲容躑躅香苞望曉紅莫怨五更  
風色惡開花原是落花風

漸次春深笋甲肥輕調涼煖護紅衣君看城外  
蘇蘇柳禁得楊花待汝飛  
溶漾天絲弱不禁等閑飛縮百花心輕紅輕素  
渾無主寂寂春堤又綠沉

欲艷嬌陽不自持江南未肯報春遲兒郎莫負  
桃花呪快馬看花十二時

鶯鶯燕燕爲誰來語入深庭百尺臺日暮鞦韆

風蕩影隔墻桃杏一時開  
或曰百尺臺日暮輝  
稀稠紅翠百花陰黃鳥朝喧日滿林  
疊疊春山遮不盡斷腸桃李隔橋深

淮雲雪霽  
右寺垂垂閣凍雲月痕如水雪痕分  
朝來松色青於洗留得梅花尚似君

太湖

蕭然吾意在滄浪亂水如天不可量  
千片曉灘

千片月蘆花白似夜來霜

石湖

四面平湖生晚烟山頭草色避雲鮮  
竹堂寺裏逢僧話竹老如人莫問年

桃花塢

窈窕春深漲紅雨窮溪自得桃花塢  
塢中女郎嬌浣花頭上花飛鷓鴣舞

臯橋看花贈花主人

憇此嘉樹下謁將花主人主人白鬚  
麋策杖延

嘉賓引之面場坐繞圃一再巡紛濃靜沃沃葱  
楚青藜藜蒔插苟有道膏雨相依因頃畝無術  
阡種植手可均晨風輓轡響流水畦自勻春花  
宛容與秋實垂輪困剖甘飽孩孫餘可施比隣  
剪韭炊黃梁櫨杞羹紫芹家貧百不有未敢言  
花貧

井上呂城阻壩別親

蘇蘇寒雨滴平川共話行期笑屢遷宿草故含  
河畔色新炊半見客中烟隔江鴻雁如兄弟明  
月天涯是去年匹馬夕陽綠底事梅花零落野  
塘邊

落日飢鷗下練塘回回見此欲沾裳朝來客作  
三山夢喚破鷄鳴萬里裝馬上裊袍先試雪日  
中茅店尚含霜擬將意氣輕飄泊腸斷江南柳  
色黃

楓林紅葉已堪悲况復楓殘葉落時澹澹曉星  
踈遠步漫漫野火入空枝溪流捲雪歸江急海  
日催春度柳遲爲客但拚兒女醉深房臘酒更

賒誰

登大觀樓

長江東繞甕城流  
北走濤聲入郡樓  
暮雨出山沙影現  
落潮歸海浪痕留  
愁看夕鳥投遙岸  
曾此戈船擁上游  
無限壯心銷欲盡  
一年頭白兩瓜洲

官驛

故人書問渡江無  
寂寞官齋據槁梧  
千里濕雲遮去馬  
一庭青霰對啼烏  
譙城夜柝寒猶禁  
漁市朝喧凍可蘇  
臘後淮徐新草色  
好將吾夢入菰蒲

由峴山涉九華山頂初欲建寺

漸看飛鳥近回馬  
峴峯灣澗積氣遠  
成市曲江皆面山  
天平落日曠風起  
亂雲班相彼高原  
盡禪那好置關

雨中渡江

見此茫茫黯欲愁  
一天涼雨更如秋  
水流南北分官渡  
山影浮沉亂客舟  
瓜步夜潮風滿樹  
蘭

陵燈火月當樓獨吟澤畔來時路  
淚盡江籬未肯休

### 渡黃河

客思如流急河聲帶雨渾  
滔滔今古恨淡淡夕陽痕  
壯甚呂梁水高于雲夢村  
孤舟去飄忽倚棹寂無言

喜見春帆色遙遙落下邳  
山清風定後日照浪高  
時伐鼓空堤動行人細柳  
遲乾坤河廣在浩蕩渡何其

### 渡易水歌

易水春激激白沙鬱相濛  
我馬蹶踣慘不進腰間劔  
吼雙雌雄憶昔荆卿從此  
去送客如烟不回顧大風  
立浪吹向人人面稜稜髮  
爲怒當時漸離擊筑聲  
正悲燕丹跪捧金屈卮  
手提將軍鬪髀去血飲  
七首紅絲絲可憐秦庭  
浪一擲探鉛更笑盲公  
癡市中酒徒但醉死  
枉我歌泣空相持艱難  
壯士兩得意性命真可  
鴻毛遺今人報恩輕一  
飯千金然諾等閑論  
面前嘖笑摠不

真對面青黃復何恨世平俠氣都耗磨里中童子唾荆軻如聞鬼泣易水上珍重教公莫渡河

### 懷古

東朝開明堂郡牧紛走趨力士提沸鼎烹乃阿大夫衆口噴如流瞪目不敢吁卽墨負謗篋金璽耀路衢伯王用威福寧復循區區考膠附昔幹豈必合罅踈失時不足貴智者笑淳于

過東阿

廣川治春秋三月不窺園讀書味其醇雅志非飽溫抱策對公車天子爲臨軒赫然賜第一齊

風變沄沄際合豈不竒終枉膠東藩弟子笑其愚減死爲囚髡腹背不相喻咳唾寧餘恩樸學縱逢時于世難久尊况復千載下嚶嚶誦遺言

過平原

遺書始出壁漢代重明經安車而蒲輪枉聘里先生一代稟章句帝耳知姓名齊詩襲毛公匡鼎猶遺稱憶昔稷下士談天恣縱橫爲膏自離咎玉石同灰坑賤極反徵貴視此道傍坐安知璞中玉不爲璜與珩

毛生墓

羸羸壯士髮黯黯賓朋淚瀟瀟北風起易水從  
此逝一去不復還去將復焉冀決策寸七首笑  
已崖然表其異帷帳羅美人無乃中貪餌一旦  
被驅使臨窅不得避亦知成事艱生死殉所爲  
知已良獨難受知洵不易

渡易水

### 送喜恒齋歸

問君何事苦思歸是處兒童競挽衣昨夜杏花  
新着雨藥欄點點竹孫肥

### 春日山游訪重光不遇

谷轉溪彌靜寂寂太古顏微陽下林木片陰含  
遠山野寺類墟舍獨掩禪那關不見山阿人細  
草春窓班凝塵湛未掃隱几心孔閑如闢蘇門  
嘯杳藹樵牧間手把青松枝沉吟不能還

我友黃叔度汪洋若秋水三子相唱喁德隣空  
伊邇耕耦亦自佳述作况有以樂饑何洋洋敷  
詞自疊疊好鳥相索求嚶鳴得其侶翳被幽谷  
中實托惟喬始爰居來東郊飛翔失爰止對此

鍾鼓懸嘆息以營累得失各有齊誰能洞玄理  
秋夜感懷

三十知非早欣從馬少游還虞欵段馬時觸貴  
人騶燕市五湖客薊門一葉秋相看酒徒盡無  
地擲吳鈎

蟋蟀破殘夢驚蟬搖午陰漸知游者趣不似坐  
來深苦樂妻孥面行藏書卷心又生憂國恨且  
理竹中琴

送許太初游薊門赴李大將軍約

冀門東風春草蘼轅門森張龍虎游門外稽首  
名王酋黃羊野馬紛肉流窮廬毳幕相望稠軍  
府饗士斲肥牛賭勒部伍譏防周河魁三百賁  
獲儔就中健者李小侯侯家父兄盡貂貍讓汝  
走馬開強彊前年寧州昨高麗赤手血搏生骷  
髏襴襦經年綉浴鐵歸朝未脫銀兜鍪論功匆  
匆若不暇且領百騎當臺頭臺頭哨騎臥沙地  
軍中蹴鞠春塲戲隴西將軍射虎歸長安故人  
抱琴至投人十指流泉鳴肘後杏田那用耕橐

韃空懸紈袴賤傲骨敢與公侯爭帳前歌舞雜  
胡語酒後鼓缶猶秦聲千峰無烟夜拆靜簷花  
細雨壚頭情

春暮偕劉博士沈吏部王舍人飯韋公莊  
一路碧萋萋遊人宛轉迷城當片野直風定梵  
音齊紅藥春分圃青蔬雨到畦江南真在眼頭  
上子規啼

分得公餘日壺觴選勝施薄來嘉樹下坐指碧  
雲滋吏散竹深處馬嘶花落時城陰搖暮柳心

感隔年期

觀柰花

翠蓋葳蕤結香苞裊娜懸霞含穠李艷露濯海  
棠鮮入眼花三五停車酒十千蒲萄如可架錦  
袖曉風前

歸飯摩訶庵贈無弦非幻二上人

客到驚僧定始知堦草深遠山清晝榻空塔下  
層陰坐對無言塵床橫自語琴勸君聊此住門  
外正車音

蘿長看成幄吾來信有年花前當茗客鍾後乞  
齋緣風雨芭蕉紙晨昏栢子禪幽居殊自好意  
老倦游邊

送殷無美南還

非門雪苦風馮馮黃河逆流催斷冰余將放棹  
闔閭城君亦南遷歸秣陵秣陵葱葱鬱紅霧十  
里荷花萬家樹花沾六代樓臺雲樹隱八公鷄  
犬路君行正直揚子湖月明夜半秦淮渡臨風  
且聽莫愁歌南還莫擬長沙賦憶昔火照甘泉

紅軍書絡繹煩乃公手磨盾鼻奏方畧西海雨  
散單于空臣功不足論息壤盟在彼臣罪伊何  
哉狂則何所徙模糊對簿井中語季孟之間待  
吾子天下自貴健少年嗚呼世事皆如此白雲  
滿舍啼鳥頻君今始識爲官貧窓前海色淨如  
洗夢裡長安車馬塵

送瀛嶼兄歸陽羨

纔道還家好君家更可思雨青垂釣石涼入弄  
鶯池脉脉燕無語迢迢山若眉殷勤贈芍藥只

是恨將離

送表見陽先生歸水竹居

五月槐耳長繫馬郎官門槐花綠可染瞥然思  
故園故園秋風捲飛藿池水深深竹葉落寒霜  
曉繡芙蓉痕虛堂夜走蛟龍籜浮紅蟻面汎株  
梗清淺漁梁帶郭素雙螯斗酒百不無手把黃  
花招酒徒藏闈賭韻燭未午更與袒跣爭梟盧  
簷頭聊蕭戛寒玉片月正墮琉璃壺桐江男子  
負釣出長安舍人當關呼登高浮雲忽東去使

我頓憶尊與鱸夕陽一片葭莖外小艇已過桃  
花湖去住真無心君子久于役兒能讀父書父  
難對兒客渭陰數畝秋雨肥比子素封貧亦得  
平生嶽崎歷落心君其問諸江水濱錢塘潮來  
客欲渡只恐此君能笑人

送馮宗伯給假歸省

倦客思歸沐君恩時與寧依然問寢夜彷彿  
直廬星松菊元吾里冠簪儼在廷平生看事業  
拂拭舊傳經

不測深宮裏還如前席時賜金高馬耳擁傳入  
臨淄黼屨羨墻近松筠雨露私在公雖夙退家  
食敢逶迤

城門車馬客太息大夫賢獨出相如淚徬徨古  
道邊海浮無棣白月到穆陵弦望望東歸路君  
歸在鴈前

春日同叔達元任季良之西山觀杏花

細雨過郊原沙汀麥隴喧風絲蕩湖白日氣入  
花渾乍煖燕兒壘先迷蛺蝶園醉餘爭樹捷更

問夜沽村

香塵元不染松竹蔭餘清流水桃花飯空溝木  
葉聲杖底調魚熟松間坐鼠輕禪棲如可借頭  
白耐逢迎

游盤山

塞北山河百二重太行雲氣入提封泉爭亂壑  
時縈馬谷响虛巖半是松紫邏烟花當九月青  
天雷雨入雙龍朝來杖策中盤寺指點經行第  
幾峯

孤筇短笠乍低昂翠壁丹楓引興長  
片石倒懸流水路斷崖剛掩薜蘿房  
諸天影裏沉西界斜月林中見上方  
繞盡寒空不知路冥冥鍾磬遠相將

本將丘壑問山僧一望蒼然壯志增  
日落三河烟瑟瑟秋高萬堞氣兢兢  
參差遠磧遮雲斷縹渺孤鴻出塞層  
長老自看無戰伐漁陽棗栗廿年登

樵徑蒼封不厭幽隔溪鳴鳥若相求  
盤中天地透迤見石上風雲慘澹留  
紅葉亂流如谷轉碧峯如浪抱林稠  
采山釣水真堪老辛苦驅車入薊州

夜窓聞鴈

竹樹紛紛落燈清鴈過時亂群高不下  
孤影去如疑紅葉無消息蘆花記別離  
風中空結陣陣斷不禁吹

放歌

月朔開明堂頒瑞朝諸侯諸侯各有貢  
南金竹

箭珊瑚鈎天子臨軒賜顏色片語朝入暮見收  
白日緋桃映簪笏青天紫燕驕驕驪就中衆推  
廣川子十年閉戶窮春秋袖中有策天人三片  
語可奪鄒生談走馬銅龍歛不下梅花未落歸  
江南耳聞往者求士急賢者巖居畏徵辟爲囚  
爲虜寧暇論塲藿塲苗未云恤人心不同此道  
古三尺兒童賤草土肅肅群飛急暮燈翩翩落  
羽投一弩自來筆硯搃不靈天下衣冠本無主  
誰或尼者臧倉乎我則無心爾何苦造化酷忌

人肯使心意足莫以玉笑石石亦不碌碌生兒  
狔犢還所如頭白文章笑刺促君不見叔敖之  
子行負薪優孟抵掌哀其貧又不見張公子休  
休裘馬新豐市人生百無不可爲但莫少年輕  
授書父書如山不可讀讀竟以此將焉如容足  
乾坤半無地曾連蹈海不足異只今海水平于  
杯如淫風雨人間世

醉歌

燈清月白河倒懸東風吹綠醕丘天我將拔劍

新山先生集卷之三  
三  
砍地出酒泉以之洗耳高歌眠直須小臥三  
年牀頭闔蟻穰穰然徐看堯桀是非定撫掌一  
笑開心顏心顏鬱不開明日失今日夢中蝴蝶  
黃霜後柘枝白顧此喟然梁甫吟出門語暗瞿  
塘深亦有兔且施中林果否公侯求腹心黃口  
從大爵嗷嗷困蓬葆乳鳩化爲鷹肉食贖常飽  
人飽人饑人自知我枯我苑非我爲英雄有恨  
天亦老行與杜康斟酌之壁間詩書不足守次  
第將之貫美酒意氣難排兩頰紅客來沃以醇

五斗

棄婦歎

終風夜吼天倉皇蟲啼葉落朝雨霜匆匆遣妾  
出門走一步一回空斷腸始知恩愛不可倚宛  
轉君前脫雙珥君心婉戀妾自知道路或將他  
意擬可憐薜蘿春路青可憐桃李春風死欲去  
復還前致辭生死一言君聽之門前柳葉暗兩  
兩鳥作窠鳥無窠尚可楊柳枯柰何朱門公子  
好身手大堤女兒顏色都伊優樽席百事有君

其幸保千金軀主人漸應識辛苦牛芻馬粟今  
有無纂纂棗實身所種慎勿造次移根株眼前  
痛哭尚如此去後豈惜言區區女蘿枯槁絲未  
斷傾心君掌妾自愚出門沙浩浩躑躅當路岐  
道逢饑寒兒自名爲伯竒履霜以足非所辭事  
父無狀兒當笞顧我復我終父慈感此愴然雙  
淚迸人前未忍言薄命悶挑錦字不成梭背燈  
自拂芙蓉鏡鏡面照妾背照君照君不見心紛  
紜天上明星地上看不信生無見君面

出都門五首

一葉輕辭樹飄零尚畏風世情如燭轉市語故  
雷河去去雉膏薄勞勞魚網空君看車馬客貴  
盛且難工

自有花成市其如棘作圍我行非好遯天道或  
遲歸僕馬欺書卷兒童問褐衣翩翩少年社老  
忽羨輕肥

何期逢掖子出處迺關人雖際詩書厄欣無井  
臼貧蛾眉能自舊鳩眼若爲新意外寬羅網君

應念老臣

言念無衣賦誰居有道名是非分半載月旦未  
全輕苦辨人前失初心夢裏清云何如砥道寵  
亦使予驚

人我欣相避徒行亦自前漸知爲客易何以受  
君憐野氣籠天白江聲駕雨傳馳驅不可說脉  
脉杏花邊

雨中徐州道

鄉山看在眼愁向暮山生驛舍清明雨人烟盡  
碭城花冥流水靜雲起大河平一路茫茫白歸  
心亂旅程  
浩蕩雨成澤溟濛雲是山沿湖草自綠如我鬢  
初斑匹馬花間沒空潮月上還逢人皆道路幾  
得此生閑

理頭見白髮

自循頭上白未合此年中縱得千回老能堪幾  
信風春將隨髮化愁返盼途窮旦旦催明發憐  
花倍晚紅

續山先生集卷之三  
途中連夢亡友徐長孺

以君明靈質神理綿若存况余款款心生死義  
所敦生猶隔千里死冥一息魂魂絲弱悠悠何  
由識遠路白袷青絲鞭恍惚寺前遇領巾掩半  
面顏色慘如霧抱子哭不休莫以藥石誤心知  
陳死人猶驚瘦何故寂寞不我酬手指庭前樹  
呀然枕席聲淡月黯照戶開門風湯湯草上不  
棲露

緱山先生集卷之三

緱山先生集卷之四

太倉王衡辰玉用著

男時敏

婿李宗之校

莫家君出都門

梁鴻辭漢日得似二疏時宮闕浮雲亂山川落  
照移江清行靡靡駟牡去遲遲不分宸居秘還  
令野老知

揮手垂楊下迴腸禁柳前長安無限意祖道復

聞蟬一篋琴書色三山杖履緣江湖餘病骨勝  
得滿朝憐

生死辭天去迴尋遇合初契深忘語數寵過覺  
交踈補闕諸君在孤恩一字餘相期各努力慎  
莫老臣知

紫詔恩慈亟朱提寵賜繁艱難犬馬報珍重子  
孫看竹色清踈簞桐陰展素紈舉頭高厚在忍  
道五湖寬

我自休官好輸他去國名耕漁原相業雨雪舊  
王程焚草留心事看花閱世情十年京闕下老  
瘦不湏驚

世事違心甚鄉關入夢非何期投老日許傍逐  
臣歸運際官鄰泰時清袞闕稀乞將滄海日長  
護薜蘿衣

時有被謫南歸者

萬里驅馳意三朝獻納身相憐舊皮骨忍使盡  
風塵薄命偏驚寵明君自擇臣願將衰老意前  
席少年人

母子天涯命寒暄道路時絲綸關物意天地亦

臣私青草迷深驛慈烏乳舊枝年年北堂上綵服對君披

歸計扶親得醫方取次將未求田舍穩先理菊畦荒老去經營闈官深俸積涼今年麻麥稔吾道足行藏

辛苦遺終日汎瀾別淚俱至今留聖覽自昔鑒臣愚漏午聽封事鍾晨儼步趨生平于此盡鄭重欲言無

東歸別親友

姬公勤吐握跌蕩天門開一朝見士七十二九州冠履爲之來年來貴人不見客公子逡巡守屋壁臥聞呵殿夢亦驚望見衣冠足盤辟春窓白晝封黃塵彈碁賭酒磨嶙峋九衢風花買一笑千門暮柳含長嘔眼中交游半行路書卷陳人飽魚蠹屋梁顏色空悄然檻外明河暗中度偶然鼓棹歸東吳策馬匆匆一事無懷中半刺已兩載道傍有語難斯須潞河茫茫動簫鼓津樹離離月吞吐高秋碧草尚江南此時黃葉長

安舞長安落葉渡江流杞菊家園正晚收天上  
故人誇好在茱萸先上野人頭

雨舟同帥敬元任話別

策馬今何去鷗飛亦已闌推蓬乞漁火剪燭坐  
江干片雨長安白層雲驛樹寒客程將別意今  
日兩漫漫

清源舟中憶荔枝題畫

荔子垂垂挂晚衙建寧春色鬪榴花何當醉臥  
冰文簟細撮吳鹽嚼絳霞

濁浪當舟夏日長浮瓜雪藕不成涼可能千里  
明駝使剪取枝頭曉露香

古城謁三義廟

水分官渡改沙白廟門清異代真人物同堂古  
弟兄艱難曾一旅痛哭此孤城千載劬勦跡滔  
滔濁浪平

閩門遇伯栩叔祖遂偕載歸是日風雨甚

武君爲唱暗潮拍岸抵家時已昏黃矣憶  
戊寅與伯栩陽羨失意歸景絕相類故未

及之

去年君行雪作花今年君歸雨打茶推蓬識君  
舊衣袂爾時城上喧歸鴉參差失意偶然會指  
口無言但索醉從容拂拭巾上塵與汝漫言京  
邸事諸侯貢者森琳琅會稽竹箭稱最良天  
子垂旒採封菲羽毛齒革皆登堂蛟龍噓氣東  
海底蜻蜓紫燕先飛張瓜牙拏空君始見深巖  
幽壑誰能常千里黃沙等閑歷腸斷青草江邊  
驛回風逆浪船相擊手策衣着雨毛皆戟卽看烟

澹一江霞可知寒入千城麥崑山酒肆漸收旗  
平樂漁舟臥敲石武郎拍手歌暗潮潮回短棹  
輕飄颿忽憶廿年此城下凍簷寒柝聲蕭蕭僮  
僕散迸乞新火屐齒斷盡吳塘橋蹉跎褐衣尚  
相誤恍惚當時舊歸路老妻稚子在門西倚盡  
春樓數株樹

閭門見親友

吳門草樹故依然鍾落楓橋月又圓鏡裏尚能  
欺鬢髮眼中人不解藏年

燕市吳天積思盈相逢重見柳條晴憑將蘆酒  
三千斛泥飲鄉人話不平

路逢鄉人非上

停撓寄書信欲語尚匆匆相看帆上月無賴兩  
來風

歸田舍

自放蓬蒿長書關未許通竹荒青舍火蕉卷綠  
窓風無語踈螢坐深心老蠹窮一椽賓客滿聊  
喜得人同

小築帶村郭居然農圃兼細香看蝶舞淚雨聽  
魚噉橘實青垂路梅踈短護簷巡花知老至歸  
計不須占

苟美明農業娛人豈在多桐含新長桂樹老寄  
生蘿秋稼平于席寒畦曲似河湏填小池外還  
度竹孫過

園中

枯桑又生耳宿莽再抽心始悟庭花色不如芳  
草深

名花露供餘鳴鳥朝參罷倚案獨吟時  
蟾子垂垂下  
劖筍不窮邊養得孫兒大雨過燒痕  
青日日挑生菜  
日向病邊餘閑從愁裏學弄水怕驚魚刈草時  
逢藥

夏日園中

萬事倚闌外春魚繞指嬉萍花能自合  
藤蔓若爲移出地雷猶穉隨潮水暗滋  
我知濠上樂芳

藻欲生時

癸巳前十一月廿二日送亡妻觀出東郊

次楊氏墓追述往痛

兒女真成恨秋冬乍已更九原同冥骨  
半世一生情落日鴛鴦綺春泥燕子營  
總輸殘夢裡刀尺斷腸聲

生時何忽忽死別故諄諄苦樂辭君子存亡伏  
老親啟予猶卜吉幻我或成真風入靈衣化遺  
簪始見珍

情生不自解悲至亦何時君已辭膏沐吾寧忘  
縞綦孺啼無節次鬼語半支離怪得詩成後潘  
安髻已絲

入室還如寄憑軒數落花大兒能哺弟小女解  
呼爺流水人間世寒雲日暮鴉重陽風雨合雙  
淚到君家

宅相看吾子干將負乃公病猶遵女誠老必紹  
家風百兩桃花下三星泖水東隔帷今夜語血  
抱汗衫紅

九載歡期促愁心病與并鏡臺長掩翳眉臉未  
分明骨盡開生面魂歸辨履聲將雛雙乳雀喞  
喞傍簷行

雨雪其涼候寒衣始到吳盡經慈母手分作兩  
兒襦容易捐團扇相思撥地爐舖糜隣室婦甘  
寢一愁無

十五粧成日羅衫若個長豈期終歛襖未褪嫁  
衣香狐死猶丘首鷄鳴反下堂妾身為婦短何  
以別姑嫜

野草霜初被  
離星凍欲垂  
神鴉迎素旆  
保姆抱魂旗  
客鬼迷新次  
生芻奠舊詞  
影堂寒寂寂  
月照漆燈時  
一片寒霜色  
憂歡判此年  
當時冰未泮  
此地鴈初還  
重理經心語  
能虧送死緣  
未云俯仰畢  
無乃蓋藏偏

秋夜雨舟懷友不至却寄

故人何地勝游偏  
獨有愁予思渺然  
九月暮潭彭澤酒  
一窓秋雨孝廉船  
虛村犬吠朦朧月  
子夜鴉訛靈燻天  
此際有懷君不見  
燼花寒落枕聲邊

江頭見仲醇作

頻年遠道寄江籬  
及見芙蓉興可知  
縱有竹林容我日  
尚驚風雨到君時  
淒淒花發重陽酒  
黯黯燈消夜雨基  
容易少游心志得  
長安瘦馬怯驅馳

驚心寒暑逗江城  
脉脉江湖此送迎  
今日白鷗真狎客  
去年秋鴈及歸程  
擬將三徑私求仲  
漸

新山先生集 卷之四  
訝扁舟問姓名滿眼暮林秋網白相逢還喜話  
昇平

與仲醇館中夜話

腰鎌無賴剪秋蓬孤館寥寥夜色空忽報客來  
鐘定後共看心事月明中夢回書帶飛蝴蝶坐  
久經簾墮網蟲種得芭蕉堪作紙墨莊荒盡舊  
墻東

新陽屠公初任泰州繼吳江又繼吾州皆  
刻廉自好而卒掛計典于其歸以二律送

別前任豫章湯君亦有廉名而與公同去  
故并及之

可憐三任日航米到公衙投憤原非暮攀車柰  
已賒宦囊如槁葉歸思及桃花高臥苕溪上蕭  
然五柳家

亦有湯先輩高濂迥自憐江湖同宦蹟雨雪罷  
官年共笑愚爲谷饒將貪是泉如今乘田吏未  
許爲貧全

贈米君夢

深坐納朝氣竹露媚清娟薄涼靜蛙黽好鳥對  
我眠俄有被褐翁貌古鬚眉鬖高談稱皇羲間  
詠郊居篇道心澹希夷冲韻坐妙妍臨高渺微  
睇不語當賓筵結交豈必深氣類歸同然  
春至上脉發羣芳燦蘂蘂非有藻績資天工造  
物理意匠謝丹青至音豈唇齒浮氣亦有憑亢  
節蕩和軌寥寥太始聲庶其在丘里嘉此良對  
緣信我獨知是交將遠或踈志以老漸靡蕙蘭  
汎微風悠然見君子

春暮雨後東園小集

竹外遠風至有人微詠來新陰剛覆坐曠野正  
當杯雨過看成夏花飛欲變苔莫空今日酒鄭  
重送春回

夢裡鳥聲樂曉晴花滿堂城陰在喬木雨氣結  
垂楊細草春蟲壁新泥海燕梁欲眠堪客共不  
畏晚風涼  
物候頻驚眼花踈葉尚肥餘香歸芍藥禁雨待  
薔薇施食魚隨掌開簾蝶滿衣蘿陰垂欲合楊

柳白霏霏

真蓮花燈

時寺有四面蓮

巧折紅蓮火裏栽  
翻將燈影對花猜  
生香帶焰垂垂發  
冷蕊含烟款款開  
燭彩似扶嬌  
睡醒月華真  
逐夜舒來莫嫌寒  
燼偏饒淚多少  
秋江白露催

仲醇寓嘉興以書見訊賦報

不寐緣何事  
難言始是愁  
晨鷄初念失  
春草半生浮  
澹澹斜陽步  
茫茫遠水頭  
此時成偶坐  
斗

酒婦相謀

好我於陵子  
相貽種樹篇  
沙暄蔬甲解  
草盡竹孫圓  
品藥過東院  
聽鶯度小川  
獨憐堤上柳  
張

緒正當年

嘉禾訪仲醇館中

話我嘉禾好  
琴書恥自娛  
千年蠶結字  
萬點蝶爲圖  
得意平生盡  
隨緣樂事如  
紛紛多患裡  
尚

喜一長無雲

賦王崑崙耕漁別墅

自酬秋色輞川詩容易扁舟晚更移  
細雨一簑楓葉下春雲十畝杏花時  
鱸魚故故隨遊舫鷗鳥飛飛近酒卮  
五嶽崢嶸收得未人間有地着茅茨  
烹茶不飲琴書課自斲千平盤鉢字  
萬無雙幅巾道服坐盤桓日日湖陰  
選釣竿但有秫田終歲計不妨橘柚  
隔林看殘陽晚掛空山翠白露螢飛  
萬井寒感得故人分俸買好來高枕  
聽波瀾父訓子醉韻野蕙蒿少似蔬  
甲類草蓋於灌木陰陰駕釣車  
山農共識野人家蒹葭影裏

時驅犢菱苳灘頭獨聽蛙  
鶯胆水分醞醪色包山雲護紫茸  
芽早知澤畔居堪卜悔殺東陵晚  
種瓜

贈朱孝子

世人愛巧完吾獨欽行堅  
商丘志得寶蹈火身若便至情激  
天性豈矜膚髮全橋西朱孝子弱  
冠顏尚孱朝朝握粟卜爲母病患  
牽盥沐潔巾悅拳跼擊豆籩命龜  
龜不食享神神不蠲霍霍磨厨刀  
裊裊騰爐烟鄰言子家貧舖糜尚  
辛艱

鬼神胡不仁不仁徵牲牲牲不可見血浣子  
右肩大兄捧頭號小婦裂帛纏疼痛各一身子  
獨何竒顛子言報慈恩析肉理固然瀆血羹母  
殮一服煩苦捐繞床呼阿兒阿兒何早眠氣奔  
如潰堤鐵石不可還桑穰是何物能使膚膜連  
中腸車輪轉微陽乍回旋恍惚合靈契人工互  
因緣匍匐叩起居母言病良痊不審奏何藥但  
喜羹肉鮮子母共喁喁慈愛欣兩圓寄言一心  
人肝肺亦可鑄

讀施慶徵年兄主臣言有感賦贈

九天曙雲色千官肅威儀多士挾策來 天子  
親命之何事苦刺促忽忽占晷移春蠶葉未飽  
墨渴常支頤何以報皇天激昂負平時獨有褐  
衣子撫卷方三思恩深落筆苦地重操心危宮  
鴉黯然暮鵠立猶夔夔小璫覆餘瀋學士分殘  
熬瞳瞳燭垂跋隱隱門收鋌賦就天人言君王  
正宵衣良哉君臣合服蹇斯見竒慚予乘軒鶴  
今爲濡翼鷄含毫不能吐榮名空爾爲

賦七澤漁人

水國秋清墜露濃  
漁舟點點亂芙蓉  
釣裘七澤誰圖畫  
種橘千頭已素封  
魚信拍潮江氣白  
鷗羣弄雨暮烟重  
汀洲隨意蘆花棹  
聽瑟湘潭第幾峯

題白蘇齋爲表太史作

古人頌風流大雅遺  
典刑道喪薄俗時  
蕩者蒙其名朗朗白  
少傅容與握道平  
曠代眉山公神宇  
更瑩晶胸次高雲  
流落筆春泉鳴高  
雲曠何

際春泉靜無聲以茲廓落心  
治我節崢嶸春酒社中熟  
雜花湖上明於此最酣適  
縱橫說無生燿若奔電驚  
止若寒蟬停學士澹蕩人  
尚友心自傾寤寐對兩公  
萬慮真可輕灑落豪素契  
寥寂松醪盟熙朝寡諍論  
拱揖延高濂清緬懷何能  
已千載同此情

贈張濂水

濂水張先生察脉治病真  
隔垣見人五臟譚先生者  
疑鬼疑神而先生夷然不  
屑也顧獨好詩

腹貯唐人詩數萬首猶不謂足搜隱抉微彙刻  
之于家口諷手校如救饑渴余嘗戲謂曰等藝  
耳豕芥時為帝今其時矣與公為李杜註脚孰  
若為岐黃之忠臣耶先生笑而不答顧謂不佞  
子姑為我歌因以短歌記之  
偉哉張翁之察脉密如飛灰隱隱動玄籥窮寒  
谷底田陽春靜如織絲嫋嫋釣江水波紋不捲  
收潛鱗萬神參差獻狀貌二豎滅沒驚車塵蕩  
邪嚙酒能化雨鍊氣煮石能為薪吾聞古之真

人隱市里先生先生無迺是不然看君面如秋  
葉黃食牛之氣胡為爾新齒歷歷雙瞳方一葛  
蓑蓑十冬矣知君井竈含丹砂定有昌陽供刀  
匕張翁獨自言我渴不飲上池水饑不食杏林  
實身世已如蝶夢蕉生涯肯作蝸粘壁自傷鋤  
鍾故人稀擬向蘧廬萬綠畢獨有結習難消治  
生平喜誦唐人詩開元大曆滿天下君胡汲汲  
求其遺千秋若無老書蠹禹碑孔壁皆已而獨  
留肘後二百卷與人情性醫盲癡饑蚊不揮手

校削斜月微微半窓落與君高談發大噓明日  
爲君罷行藥

贈宜興八十六周翁與家君同鄉貢曾爲

縣令

勞勞人間滿塵觸別有清涼太湖曲君不見宜  
興矍鑠翁閑領春風八十六芝田鶴瘦輕欲翻  
庾嶺栳香老初足看余三十齒已黃似爾何緣  
髮猶綠謝翁遠道存故人故人老恨歸來新病  
中皮骨君所見暮年兄弟言偏親自言休老無

異術縱有飽喜無饑嗔從拋吏牘十數載雙眸  
光彩心精神妻子不知墨綬貴偷兒久厭青羶  
貧從他西九輪稻蟹未暇石步開荆榛此中地  
僻風土厚酌泉飲之安且壽磋砑石洞窟神仙  
寂歷澄潭落星斗雲芽瑤草卽不無藥竈丹牀  
事皆有在天何必香案前墮地且爲鄉祭酒張  
公玉女誠荒唐君不見湖陰灌園叟

游玉女潭同叔達賦

把酒看瓊樹相思片石前嵐生新粉竹潭貯鬱

藍天散作巖巒潤屯爲草木烟太湖秋浪起隱  
隱月中傳

善權洞

山構危樓勢花垂采鬢情層雲雙洞合隔水片  
空明雷過遺陰火龍歸尚雨聲寂寥書帶草有  
石記三生

碁盤洞

樹底聞流水悠然天地深游魚迎洞口傳酒到  
溪陰白日寒溝色空泉片峽音彈碁聲滿谷况

復理明琴

秋日游大成洞宿余氏

重臺列幢旌曲室羅鐘鼓游人不知年墨食水  
痕古

贈蜀山夢坡歐叟

胸中溪壑闢嶙峋甕牖繩床也不貧一夜風吹  
春茗綠窓前如對蜀山人

秋季游張公洞

路遠石橋斜楓林受小車霜頭明樹葉秋意入

山家得歲兼收粟先春欲問茶幾來靈洞口一  
度一回花

雨宿蜀山看月謁蘇公祠公自南遷歸居  
此故名蜀

蕩泊南遷老逢人便故鄉一杯終客土落葉滿  
神堂尚結陶漁市長留筍蕨香可知三洞月兩  
夜蜀山望

春園雜興

閉門梅花深寂寞鳴鳥外樓東老鱗甲紛然向  
日蛻臺西疊雪浪風動影旆旆微陰籠魄淨月  
滿生香細掩靄深竹中素女若揚袂穠華寒前  
路貴及時未逝

清明滯餘寒草木變氣候冉冉花破函一夜若  
紅荳莢甲相催逼時至不能逗服藥吸精氣願  
保金石壽去年看花顏去去不能復

天絲颺南窓燕子簷上驕久無案頭曆人言是  
花朝風物以熙明浮光亂農郊提壺坐花間繫  
之雙紅綃剪置齋房中庶免風飄搖結實良可

新山先生集 卷之四  
貪明來把空條

新草生翠烟日氣若中酒誰家遊冶郎走馬花  
在手紫繻十步香哆哆開笑口誇此一日樂勝  
汝百歲叟日暮解鞍時能復如此不

取歡耳目新種植有至理橐駝未爲工單父技  
能爾舊花報平安新花復經始牡丹開百芽雅  
勝薑千指朝來海棠絲忽秀櫻桃壘時至俱爛  
然根株復誰是今年暘雨調孫枝復生耳  
園丁報花信翁若朝趨市掩露折一枝園園盡

如此稚子相呼叫病母色自起茸草不碍步軟  
輿且止止飛鳥庭內啄犬吠籬邊喜細雨化新  
魚楯檻若繞指蝌蚪復何意逐影亦唯唯小女  
簪餘花競插老人耳願我老人壽長年似兒齒  
高田不任稻下田不任麥竹荒不成筍魚荒不  
盈尺且乞菱芡種田此菱蒲宅種槿編作籬歲  
長不過膝口實未可期採拾詎爲惜老圃地自  
饒從來後收穫  
荆花裹不托點點指印嫵藤花初放藍玉盎湛

翠羽雪白與平酥辛夷攪香乳園厨少魚肉芽  
甲盡登俎或貽洞庭桃誇我寶石五朝來雀聲  
鬪花落不可數  
蠟梅初破臘開到茶蘼暮媚眼花不空賞心事  
多遇愛惜三春容不知久非故代謝誰覺知精  
神暗中驚寧待剝落時忽忽心始悟  
少年意踈濶世事皆可爲吾友皆俊異抗手談  
皇義邇來相晤談磨訂章句卑不惜功名暮但  
惜血氣衰傍人誰復知謂我好在此

我本澹蕩人忽若擔重負游情曠容與思念若  
埃霧朝朝贈異夢或啟占書顧名法自束縛力  
命難強御本無百年人自有百年慮逐日心紛  
然昏昏夢中路

靡靡耳目好往往能相值日短苦事長望途畏  
登涉志士邁千古小人偷自息吾友唐叔子朗  
朗負高識婁生近大雅餘酣潤文墨工詩有程  
生錢劉讓精刻頗許官庭外謳吟自得得年年  
花開時頽然醉君側

主人數月棲床頭初聞喜鵲聲和柔王君到此  
百不憂東園梧葉始知秋竹中懸榻可下否涼  
颺徘徊為君留剖瓜雪藕相勸酬凌霄跼跼飛  
窮溝灌木已厭林塘幽豁然數頃當平疇風吹  
稻香衣上浮高柳北障城陰稠牧兒吹葉下馬  
牛殘霞牛背鴉歸樓與君對此劇飲休不願甌  
婁常滿篝但願此地化作芙蓉洲

插楊柳

插楊柳風吹何時歇半沾兒女顰前黃半照清  
明隴頭月隴頭楊柳不成花強自含絲逗晚霞  
花飛陣陣濃如昨忽向女桑枝上落

仲夏雨後承子柔訊輒寫所懷奉寄時在

夷亭舟中兼柬叔達

夏雲初漫漫海氣紛結縕霞霓雜來御日足高  
徐引澹若遠山色徘徊汎欄楯轉媚桑榆輝下  
有賢人隱支願望所思超然立殘景  
梅時蒸煩陰潦降暑猶溽浩浩已成勢絲絲鎮

續山先生集 卷之四  
相續子舍野田傍報我霑漑足奧草尚可夷塗  
耕敢辭毒我亦具芻蒲奔走泥陸陸又聞桔槔  
聲農事多反覆

夏雷不出聲羣動爭繁喧蛙蟲亂淺草蚯蚓歌  
卑垣垤鶴亦何求引吭相呼援鄙哉蒼蠅微蕘  
蕘牛耳根天地散元氣啁啾競爲尊靜者德愔  
愔安居澹無言

今人驚遠交名譽卑騰躍子獨愛瑟居閉門見  
花落喧靜各有適慎勿笑輕薄世人盡素心天  
地亦寥莫狐裘而袖羔中媿此飄泊  
書契開鴻濛孳生洵多幻靡靡向背情諦視不  
可見好醜隨所置物情亦時倦老姥晚始悟千  
金寶團扇何有朗鑒人及爾時所賤寥寥千載  
名或匪出矜街

吾友老布衣謀家計殊拙好譚古與今意遠波  
瀾濶與子實唱喁叅會契心悅有時燈影前起  
舞呼耳熱笑汝蓬蒿人何以聲歎切  
負載天地間何其多煩憂省已能幾何因緣重

山丘情知兒女薄能不相爲謀百步一回首魂  
魄相拘囚漸隨年歲深詎得吾生浮何當長楊  
下避暑經窮秋所遭或不齊情性將無猶

夏日園居酬同伯

五陵裘馬厭經過乍可書關掩薜蘿歲月不來  
看燕去荼蘼開到柰花何青天樹遶銅駝闕細  
雨烟深白鷺簑盡說墻東堪避世漁樵滿眼笑  
風波

暑雨侵尋釀薄寒晚晴花竹報平安青山扶老  
供藜杖野寺逢人問籜冠蝶影深深窺晝榻蟲  
書隱隱綉空壇如年長日能消得白髮于今仔  
細看

桐葉陰陰覆屋青有無客至戶長扃星稀河漢  
涼天夕風入荷花午夢醒屈指故人如逝水白  
頭書卷對流螢朝來耕破城西土寂寞春原又  
草亭

送曹以新居吳門

隱矣居何卜因之市屢遷山前三畝宅門外五

湖舡謝客先長者迴心入少年奚囊生計有老  
更怕人傳

以我杜門役憐君獨往初邦誰非父母客自狎  
樵漁市急鐘聲暮窓含海氣虛爲誰吟望久楊  
柳故人如

靈洞山房歌

嵒峩天目峯勢走平地矗立金華山九峯森列  
若手指雙峴點點羅青環自從初平石羊去千  
古不破松蘿關洞房龍從閉白日紫芝瑤草春

斑斑鴻濛開闢豈無意麋鹿雜引游人至宋濂  
學士親封題趙公爲洗苒苔字公今出爲帝者  
師泉石藹藹添春姿蒼生未了安石事却憶東  
山初起時山頭流雲靜楚楚紫霞白雪相吞吐  
石上錯落仙人田空中滴瀝桃花乳石燕成羣  
拂雨飛蝙蝠千年對人舞曲阿窈窕通暗泉泉  
脉遶山山底懸皎如飛絲捲空翠黯若冰谷凝  
寒烟主人此時正休沐槐影深深靜剝啄懸崖  
置屋勢自然穿渠引水流自由筆牀倦倚髯松

續山先生集 卷之四  
枝茶鑿閒煮胡麻粥鳥含山氣聲始收客散晨  
鍾睡初足此心泊然緣慮空老我已分隨狙公  
深山龍蛇乍起陸滴水化雨從雷風長松秋蛻  
鱗甲老鶴奴守舍青泥封知公自有烟霞相三  
洞參差屹相望何心更與樵牧緣玉露晚出凌  
其上天留一壑待乃公赤松黃石紛無恙老農  
失計來長安滿街落葉秋聲乾吳山迢遞不到  
眼尋常把菊爲沈瀾今朝手把靈洞記夜夜夢  
隨溪水寒何時先鼓剡溪棹爲君灑掃天中壇

王問伯君子亭中觀射

朝來較騎城西塲駢方在臂矢在房麤牙未轉  
軍士散走向王家看射堂射堂西風樹索索人  
面生冰馬毛薄綠鞵蒼頭釋棚坐靺鞨才官抱  
鞞躍餘勁飲石猶激昂神臂當弦故前却青天  
白羽相蕩磨歛然一點銀錢落提錢上堂聲氣  
揚鳴鉦伐鼓稱兕觥大呼酒瀝壯士膽翻飛走  
馬誇身強鷓鴣脂瑩孟勞綠龜龍金錯昆吾黃  
二矛重喬舞頓挫曼胡十隊趨低昂義烏健兒

勇投石淮南劍客技奪塲老拳納袖半甲子今  
日未能禁拍張等閑不肯賭勝負與君慷慨論  
興亡憶昔旌旗滿寓縣腥風夜挾鯨鯢戰紛披  
半海樓船兵痛哭登陴兒女面幕前干櫓造次  
增帀中卒伍倉皇變吁嗟爾汝兵燹餘辛苦東  
南眼中見幾十年來臥戰鼓意氣虛寧六鈞弩  
赤手難投都護營熱心暫走尚書府尚書世受  
龍虎韜大兒昂藏參馬曹盾鼻文章賤于土蟠  
胸甲冑光如刀桑弧未了男子事銅柱敢許書  
生標君看此輩辦賊否誰爲將之東射潮

贈邵元沙張平野兩翁

誰移渭陰半畝之籜龍矯然森立東墻東秋清  
忽照中林風虛堂月靄青濛濛此時座客歡相  
從碧鷄玉馬雄談鋒中有不語龐眉翁問翁何  
所能萬有羅其胸傍有一翁七十許視翁尚少  
八寒暑食牛之氣不可吞木鴈燈前忽人語自  
言兩老人如君年少時讀書不能破萬卷未敢  
人前輕吐詞解頤匡鼎執經早入室侯巴爭字

竒填門五馬稱弟子先生尚掩書生帷自從兩  
公老書蠹學者半厭毛公詩眼中生花手磨勘  
片語尚可開來茲三十年來珍敝帚我求童蒙  
亦何有時艱競請終軍纓濟世還須伏生口老  
人閱世回回新十年閉口耕河濱君不見磨鏡  
先生卜肆坐兩公豈是尋常人

古意五首

松栢挺直幹斧斤落高岡芝蘭值當戶或乃非  
其祥奄離幽谷中傷哉獨芬芳萬類各有醜失  
時行決張東園亦有李願言代桃僵何當一心  
人持以奉君王

東隣有季女明潔有好姿殷勤自結飾閉約重  
屏帷爾室諒匪遐懷意兩不知不惜知我少惜  
子盛年衰心睽媒則勞君貞行有疑蹇修旣云  
逝末由通微詞婚媾紛有言嗟嗟非我思  
鳴鳥不至郊西狩乃獲麟傷此二靈物生死同  
所遵宣尼歎其衰掩袂歸泗濱文仲實在位下  
惠終窶貧海島從何來智不謀厥身遠巡動朝

聽享燕乃紛綸哢嘑不下食流涕對九賓逝將  
歸故巢含意徒云云  
十五歸君家兩姑正齊眉大婦調絲簧小婦織  
履綦中婦執任事敬適滋味宜同居不同心嗔  
喜或互持聲吞猶恐揚色授妄揣窺思再非所  
冀譴薄吾幸而窮老性未諳裴徊下堂辭豈不  
竭愚鄙君家婦難爲

皇靈信有赫弛張握中權不言布四時民咨猶  
暑寒燁茲煞機發萬物乃蠢然昭明本無心而  
豈亭毒偏膠膠鷄則鳴如夷道乃全益損以爲  
常用舍非所專白日出海底其下霧浮烟好風  
從東來蕩蕩游氛寒不腴枯朽質仰沐光采鮮  
願分桑榆照及子華盛年

園中觀稼

感感蛾羅黃閣閣蟲蛙語條葉退新枝代將事  
禾黍秩彼公私穫兩兩婦子伍雀麥開舊畦鳧  
苾釀膏土播插趁午陰長茂冀微暑新苗纔如  
髮知經幾風雨

楚國有貞士黽勉耕自食豈伊貧賤分念我先  
稼穡嗤彼梁肉姿而賤胼胝役明農洵可學吾  
衰不任力斗酒饁南畝慚愧難遍歷歌聲亦勞  
止愒蔭庶勿亟岸上誰家兒光馬耀服飾命也  
實不猶于何論勞逸但無食場苗辛苦良可惜  
古者耕鑿兼楛楛抱甕徙薄田幸濱河徒耕力  
可以油油桔槔動盈盈未云止瀾漫萬井平分  
之灌園杞藁竹引細流羣芳潤餘泚大雨今時  
行僂力且秉耜去年襍襖貴誰當復辭此

大人美翺翔農圃欣我有每每負郭田繞我宅  
三畝西北有高樓夕陽掛窓牖鮮風冷然來宛  
宛動榆柳偃仰當之眠逢與耕者耦亭臺雖具  
體幸托林泉後藤花高樹巔青蘋小桃口草長  
池魚肥果熟巢燕守芬此筍簾美纍若枇杷剖  
食之勿願餘天以賜園叟自種還自甘可奉君  
子否

曉涼露田白之田敢遲遲我前抱經籍我後隨  
鋤犁耕僮磬折言甫草謹以治鴉鵲立牛背不

知牛苦饑廣場足小築胡床面交畦樂此禽鳥  
聲雅與吟嘯宜乍聞東家喧索租兒夜啼維我  
苔蘚門亦時車馬窺人生各有役約畧苦樂齊  
小隱不言深言與箕穎期

題知希齋

葢茅近城市門前車馬道車馬日以深環堵自  
秋草心清書卷閑夢寐無顛倒歛膝對古人開  
簾送飛鳥有念苦不多懷人竟以渺微吟動涼  
風拂拂琴上掃智離竿牘尊道在聲音小被褐  
而懷玉落落以爲寶

張仲立謁選得臨清守寄贈

人傳臨清太守美年少乃是崑山張季子穿楊  
妙技天下聞再發無何撥弓矢郡符今雖落君  
手君名尚在學士口片語墮紙插羽飛御史下  
堂博士走曩歲燕市懸金求尚恨糠粃翻在首  
世眼青白那得知至今盛事慙薪樵存庶不辨  
幾頃田自陳毋老須五斗逡巡已自擲明珠翻  
使世人珍敝帚臨清風物天下饒齊紈魯縞車

遙遙月午報客柝如雨日高聚市塵成囂酌水  
自飲猶畏膩手板導前疲折腰知君腹腸不解  
飽竊恐項骨難禁驕丈夫肯爲妻子計吏譽豈  
許文章要嗟予書卷疲日月螢火紛然照白髮  
儒服可堪官長迎新篇半就時人沒此時夢見  
張臨清高臥琴堂萬緣歇

沈文選日峰謫歸賦贈

山川紛紜送逐客四月沈郎亦遷謫出城遠雷  
震蓬蓬渡江梅風暗瑟瑟 聖主用人捐細誤

盛朝何聞置羅畢紫薇高懸箕舌張台階郎位  
紛震軼小臣自知天意深流言道路從何出邇  
年太宰歸匆匆其屬往往途相逢前有王趙後  
孟顧伉浪聲氣多才雄天下調平有沈公臧否  
雙提日月鑑庶彙盡入乾坤籠倉皇啟事綴殘  
牘一斥萬里羞雷同竄身潮陽瘴全黑回首魏  
闕塵猶紅新人勝故自應有祗恐此地難爲工  
自君策足據津要已拚謝事歸江東冠紳尚幸  
留 主賜休沐子舍差從容把臂喜得山吏部

莫將敗意嗤王戎

池上軒卽事

城隅靜女澹無言  
滿面柔腸更可憐  
池上露華濃似酒  
眼中秋色共娟娟

怪道如花滿春殿  
司花故遣侍兒愁  
筵前觴政縱橫甚  
脉脉芙蓉雨後酬

含情落葉已繽紛  
深轉歌喉齒未分  
橋上玉人真咫尺  
尺簫聲似隔數重雲

世路崎嶇盡狹斜  
權牽小艇宿蘆花  
鴈奴昨夜驚寒起  
月白汀洲未是家

九日登鍾樓寄友人

沼邊晴日澹秋容  
更是層樓海氣東  
但使有花供令節  
一將危帽任高風  
蒹葭浩浩歸帆遠  
梧竹青青小寺通  
相憶響山今夜裡  
暮雲尊酒送飛鴻

十年縱酒狂歌地  
幾見園蔬墓草荒  
茶社客稀桑苧在  
僧寮秋晚荳花香  
煙黃睥睨遙村合  
月照罌罍片海黃  
檻外虞山青可摘  
東籬暮色又

重陽

客中此日倍生愁  
忍復秋殘故國樓  
滿地游人相識在  
傍城臺館若為留  
霜前白露偏欺鬢  
節後黃花欲上頭  
一片夕陽農稼裏  
吾生實有稻梁謀

高秋物色正宜晴  
水潦全收野楚平  
檣樹遠搖潮影白  
鍾聲寒帶月華清  
相遺餹餌還鄉土  
老見茱萸似弟兄  
三十五番生日過  
幾回風雨上東城

十月省墓過飲群從即事

禮失吾求野風流  
俗尚初貧交鷄黍  
見生計褐袍餘白  
髮爭扶杖青衿不  
廢鋤敝廬如有托  
萬慮欲全踈

喬木微陽下柴扉  
流水清漸稠桑柘  
影正隱讀書聲蟋  
蟀秋堂警魚蝦早  
市晴相呼隔城郭  
一見若為情

此日田工晏未誅  
冬月茅雨收紅苴  
莖莢霜老木綿苞  
地薄秋畦苦官新  
雜稅交君看窮鳥  
熟歲

暮亦登庖

海上

海風吹暮角戢戢亂帆收  
甲士何常耀穉航遠  
自浮市嚴清柝外城枕大旗  
頭鼃勉軍須辦遼  
陽未汝休

送崑石五叔輓輪北上

天上長安耳聞好年年尚轉東南  
稻出門不見  
黃河痕半途已夢江邊草  
世間萬事多遷流  
呂梁釜底窺徐州柳花春香珂馬路  
曾此王孫厭  
旅遊開樽已散北海客  
掃門誰憶平津侯  
歸來生事惟書卷  
科頭獨坐桐陰展  
涼天露剝雁來紅  
客衣霜氣知深淺

贈冲元子

初平騎龍去天闕  
隱隱華陽剩丹雪  
石上栽松夜雨清  
岡頭劖木春雲熱  
地肺遠接終南幽  
瓢笠飄然更遠遊  
半偈當關萬緣歇  
一丸守鼎妖魑愁  
雲車偃蹇驕不起  
尚爲人間兒女留  
白頭將玄入闕闡  
黃金無術干公侯  
留侯謝病新歸

里忽遇當時赤松子相對匡牀無一言香篆烟  
消月西起

錢一菴六十

莫羨閑身六十強誰于五十罷柴桑未論去就  
緣何事贏得兒孫置汝傍潦倒局殘蘿月暮依  
稀吏散竹風涼南樓海水高千尺釀作黃花歲  
歲觴

何勞隣父餉頻遺有酒相逢不解辭容鬢定強  
爲今日家緣剛似罷官時餘酣敢自欺年少壯  
業猶堪付小兒瀚海風雲看到眼且留殘日伴  
東籬

王崑崙先生青蓮舸

八月湖水清若空天高木落聲洶洶朝來雲擁  
楓樹黑白沙夜走江豚風灘頭漁燈靜戢戢微  
茫遠影含孤蓬如山巨浪破之出半醉半醒鼾  
睡翁此翁姓名落人口此翁不爲世人有廿年  
未老桐江絲百篇自醉烏程酒少年曾爲汗漫  
遊策蹇橫觸可隸騶五侯傳鯖跪行炙舉筋欲

下慙腥膻吳山滴滴青待我歸來不暇營菟裘  
千頭橘奴百斛秫寒薄未了人間愁白髮黃金  
不我以賸有生涯付流水羽扇高懸白鷺簑竹  
床斜坐烏皮几潮去潮來秋可憐七十二點青  
娟娟蕪葭白露人宛在魚龍大澤天茫然五嶽  
已飽藤杖色五湖自握扁舟權扁舟日月自瀟  
灑朝遊閶門暮若下吳江自廣能容刀長年使  
船若使馬蘆中之人逝矣夫誰是當年問津者

送王崑崙遊五臺

歇馬先參栢子禪白頭行腳趙州緣無端故國  
蕪葭夢又在邛鄆酒肆邊

關東已試葛衣涼漸入邊城草色黃六月驅車  
君莫厭中臺山半已飛霜

定午微鍾出寺稍寒雲尚掩玉亭茅千年風雨  
三珠樹留得孤山野鶴巢

百丈冰崖天倒垂避人饑鼠齧枯枝此去好誇  
王太僕遠將雪色映峨眉

王崑崙先生六十生日登五臺賦長歌奉

壽

漫浪菰蘆中忽已一甲子兒歌孫舞躋春堂七十伯兄同燕喜黃魚出海菖蒲香桑落苞蘆至千里酒中忽憶五臺雪長安且過榴花節九衢埃雲結紅霧不向邯鄲夢中熱披裘五月登清涼金蓮布地天花黃聖燈暉暉映斜日身影忽現文殊光長跪問文殊何以壽幻叟一夜飄風西客星問北斗麻姑爪擘方平麟遠公室釀陶潛酒今年酬盡兒女事輕囊短劍隨風走芒鞋

已挂道場山釣磯未沒蓉湖口十載一山名一更百年未了名山名乃公老大厭狡獪故山丘壑縈心情青獅無聲吼動地鬣華燕坐飛縱橫此時舉酒酬山靈山靈識不王先生

贈陳濂石先生歌

并序

世之趨勢利也甚而漸于家矣顏路曾點史不志而志陶氏之母何怪乎風靡至今也夫子父相弃割沒齒之愛以博美官厚直而父耶而子耶籍爲顯親世之以纓組事親不乏

矣而速朽者何限也陳先生有子而才日仲  
醇仲醇年廿八棄儒而隱焉倘亦樂鷄豚之  
逮存親也然得無難先生乎哉乃先生曰喜  
人有子而無子而我能有其子我啜菽飲水  
傍兩兒以嬉爲貧陸賈足矣吁吾是以知天  
下未嘗無賢賢者不必衆是漫爲歌以寄之  
堂堂復堂堂君不見崑山小隱陳家郎咄咄復  
咄咄君不見陳翁之子山人骨陳翁之年過六  
十有子不減唐李白橋門博士稱吾師詩社爭

輸少年席盤龍繡虎手所能翁也握莽收其直  
是何感慨甚歎息浮生烟書螢幾乾死穎公不  
能言侏儒可以飽曷不裂冠挂瓢山之巔青城  
徐郎相勉旃謂而丈人將無爾憐陳郎曝然棹  
頭笑而真不悉吾翁賢翁謂兒丈夫自有志長  
安尺寸地人取爾須棄春膏滿天瓜可蒔酒槽  
油油滴香膩少可一月十朝醉我醉兒扶兒寒  
毋衣有兒在膝花在眼生願與兒共脯糜豈不  
聞天下盡趨湛毋風華亭競走平原祠山頭白

續山先生集 卷之四  
雲自怡悅若以問人知是非

長河溷到其熾息乎  
主國書聲漫子子頁公不  
備心平氣澁翦齋  
手泚猶餘山氣  
清其直

緱山先生集卷之五

太倉王衡辰玉甫著

男時敏校

詩 附詞

鎮江郡守玉沙王公考滿

海東承賜履江介表名藩  
不覩江山麗安知刺  
史尊檣烏迎皂蓋竹馬遲  
朱幡命重山爭色風  
清浪不喧春陰桑柘密  
膏雨稻苗繁魚蟹朝迎  
沫蛟鼉晝負暄輪前扶白鹿  
舍上集祥鸞始報

三年最遙沾五袴恩穎川新賜璽渤海舊乘軒  
卿月瞻天表陽春燕日溫佇聞徵使下敢卧屬  
車轅

建業千秋控上遊江聲百里接謳謳鳥窺懸榻  
風生坐雀報嚴更月滿樓棠樹漸深南國雨櫻  
桃三熟海門秋穎川佇賜尚書烏絳節朱旌暫  
可留

屠長卿枉奠先大母病瘧寺中移臥家園  
是日得雨病良已

有客有客白其馬繫之寺前古榆樹問君何苦  
六片行片心如漿已入絮出門千里不擇吉故  
人相奔一何遽火雲駕浪能鬱蒸居然瘧鬼能  
憑凌維摩抱膝居丈室諸天龍衆高峻嶒縱橫  
談塵了無異兩目挺動頭鬚鬢不能沃君廬山  
百道之流泉不能坐君峨眉百尺之層氷東林  
竹竿靜嫋嫋涼颼徘徊如有情客來黃鳥亦弄  
舌高蟬乍咽單鳩鳴俄然晴  
雨蕭條木榻留餘清君言多病生道心追渠何處勞追尋

自從松鶴去碧海黃蝶浪逐溪花陰微言墮地  
苦委羽清夢到窓堪解簪天河風浪亦時有邨  
保世事無浮沉看君收拾越江波濤向岑寂辛  
苦入山山不深君不見太原書生復何事高枕  
不得霜毛侵

長卿東歸

日午陰移白石壇清風欲過竹檀欒踈簾小簾  
題詩處留得雙趺印月看

自可遲迴訪戴船板輿無恙北堂前桃花甲子  
應難記再渡錢塘是百年

騰江使君奉 特命臨祭先墓

旆旆霓旌近白楊風自呼一杯高馬鬣萬衆式  
龜趺蔓草何心結棠梨濺淚枯死生天地仗靈  
爽禁樵蘇

日掛東南樹茫茫片海圓大刀搖浪白新壘落  
霞鮮高會臨無際端居念巨川相聞謝安石半  
夜嘯風還

宿命吾何感僕夫行告勞出門當暑雨策馬涉

江濤同病寬賓禮經時攬使袍涼風正瀟灑何  
以駐干旄

馮尚寶奉命致祭事竣還朝奉送得

二十韻

鳳閣推恩重龍章灑翰頻使星紛海會卿月照  
河津特異臣逢主非常子逮親後生惟益賜加  
等豆籩均不分尸饗沒還叨尚食珍肴烝羅鼎  
釜鬯灌赫纓紳禮創諏議審官嚴夙事禋腆筵  
沾故鬼哀些出詞人土壤無靈骨乾坤有負臣

哀啣心匪石感鬱火爲燐况借名賢重躬將上  
命陳緬惟爲茂宰割治托比隣葉縣鳧曾接萊  
蕪甌屢塵玉壺清沁骨冰谷迥凝神雲擁青囊  
舊風驅絳節新泥封原尚璽詔下式如綸葆衛  
臨蓬草瓊鬚散里闈享賓安坐次贈縞亦逡巡  
盛事兒孫記孤棕涕淚伸有懷當展念敢臥屬  
車輪

送翼堂趙使君致祭事竣還朝

尚紆皇眷獨臨軒江上雲霞接使轅親捧十

行新詔字轉驚萬里得歸魂蓬麻白日瞻霄漢  
墓草春風識子孫留得王戎鷄骨在好將恩數  
報秋原

壽外姑

青鳥三山使靈芝五色房庭瞻王母降南映老  
人光杲日明暈翟微風聽珩璜瓊杯傾顥露翠  
釜積玄霜子姓爭扶杖賓筵秋舉觴願言徵女  
史敢以告司觥矩法遵陳禮勤勞匹敬姜夙興  
朝篔簹燕侍飾壺漿焜燿綸爲命續紛服有章

寵仍行益僂處泰動思臧白髮操家政青燈教  
子方敢忘思餽餽尚浣嫁衣裳節嗇從三寶安  
行度七襄三秋當解悅萬寶式登場慈竹凌寒  
動黃花傲雪香鼎來春藹藹爰降福襍襍風鼓  
金鵬翼雲封玉燕筐衛郎初假館苗母正開堂  
照耀羲和馭晶熒寶婺芒儀形還自舊慶澤欲  
分祥采葛春相遲攀蘿月正望自今耆且耆咸  
與壽而康

沈沈上訪沈進士

續山先生集 卷之五  
曉行茗水上忽憶米襄陽棹出蘆花亂門深竹  
氣涼賣鮮朝市聚燒葉野橋香此間軒組客亦  
復在耕桑  
不識竹墩路自通桑者名烟光含日薄水氣冒  
江平蠶稅先秋雨魚梁掛月明往來無俗務小  
艇故盈盈

卽景

魚噤亂葦不避釣犬吠枯桑如有人一帶橫山  
飛鳥絕斷橋西去又通津  
野菜香菇繞徑栽漁樵日落棹歌回回舟自識  
門前柳却問客船何處來

送沈水部北上

茗溪晴雪逗春寒迢遞行旌別思闌花發江南  
懷水部星從天北望郎官沙糝驛路孤流急浪  
隱繇隄老樹殘好計工功荒度始兩河日夜有  
波瀾

送李茂實赴蜀

吳山春雨聽鳴鳩珂馬駉驛向益州補袞有心

終戀闕籌邊無事亦登樓中朝尚自虛清問內  
史何當厭薄遊滿耳波濤送君去江山千里正  
安流

猿聲送雨急千峯夢裡猶聞長樂鍾落日坐馳  
新到檄寒雲愁檢舊時封遠臣敢料安危計  
聖主曾將痛哭容惆悵一官成避世回頭雪暗  
掖門松

立春前一日園中踏雪

晚鵲簷頭噪雪光更將餘臈逗年芳先春正結  
梅花片映日還禁柳絮黃泱泱細流穿伏檻踈  
踈亂竹亞東墻老親橋外携雛至風入茶鐺水  
正香

燈夕卽景

月滿寒街雪更清千家燈火鬪新晴松毛密覆  
青帘碧蓮葍雙懸錦袖明夢裡星橋收晚市愁  
邊臈鼓鬧春城獨憐太守笙歌出竹馬兒童語  
笑聲

侍家君遊西山

平開太湖面。澹蕩起風花。萬舶浮孤嶼。群魚網  
亂沙。松齊剛可杖。竹密始成家。我自山情得。饒

君取路賒。

登鄧尉

周遭山郭下。半是綠蘿庄。未卜吾能隱。居然地  
可桑。村穠禽鳥至。花落水泉香。初啟游人路。春  
農已自忙。

浩蕩扁舟興。臨高更渺然。隔江傳石骨。近暮起  
松烟。雨載蓮峯白。花籠小閣偏。櫻桃欲移醉。展  
轉落梅前。

但有娛親地。都爲愜意時。麥風吹浪起。榆日放  
絲遲。乞茗逢僧寺。隨花識路岐。晴鳩頭上喚。與  
客更爲期。

雨中子柔書來得宜興耗慨然賦寄

蹭蹬高鴻暮雪天。書來再博故人憐。漸看世上  
緇爲素。莫是先生白尚玄。憎命文章常道路。送  
窮詩卷又殘年。灰心筆硯無憑暖。忍撥寒燈勸  
着鞭。

雨中嘉定過子柔謁其尊人

老眼蕭然強自遮。入門未敢便長嗟。心情此月  
旬中雨。詩興南窓。牖裏花。豈有薄田餘菜麥。還  
欣水市賤魚蝦。儘饒留客朝朝醉。除却尊前事  
事賒。

曹謙吾北上戲贈

高蟬莫悲風。勸爾一杯酒。瓜香棗熟。大路邊井  
亭無處。無楊柳。問君何苦。六月裝蕉。旗霍霍。秋  
雨乍赤。日照地。火雲滿。人間何地。尋清涼。長安  
貴人。八騶出馬頭。相揖無顏色。乃知漆園寄微  
官。數株漣娑。自得得。小鴻臚。問大鴻臚。溫室年  
來一字無。相逢爛醉官。醞酒明朝。累汗府中趨。

丁明府兩年步禱雨雨輒至

人傳太守朝走東城隍。葛屨納納。秋露涼。俄傳  
太守西河岸。魚頭使者當香案。去年十日五日  
齋。今年官厨無菜。鮭頭上。瞳瞳戴赤日。累汗卓  
立當空。堦黃旗。颭颭招不得。父老傍觀。淚沾臆。  
麥秋稍有鶩鶩餘。東江潮頭尚三尺。桔槔未斷  
秋林中。忍使吾侯面黧黑。是時日午塵頭揚。梧

桐捲翠蕉舒黃雲綃絲絲起西北未有雨葉翻  
垂楊數點尚疑竹上露俄然雨聲喧薄暮蛟龍  
跋浪東海來烏鵲盤空喚鳩婦卽看葱僽潤簷  
花可念溟濛入郊樹香秔傳膏珠顆圓吉貝含  
滋玉苞富更喜七月無盲風脉脉萬井寒溝通  
數聲輕雷竇陰火鬼車不敢驚兒童人言清河  
先生檄星五我言太守隨車雨何知太守雨君  
不見兩年竹馬街頭舞秋成醉君秋社場與君  
細說丁明府

游天平飯趙凡夫家

看山愛主人山窮主人出謝病經春秋心遠石  
自櫛落落書卷餘清談對捫蝨豈無佳遨遊及  
此清宴日苾芳春風香委蛇出齋室藕漿芼葵  
羹雲子青瑟瑟月白松已花雷驚笋初茁分彼  
鳥雀糧聊爾供口實市鍾戛然鳴厭飽各已畢  
我杖策策鳴石磴躡虛空驚雷走足下忽起洪  
濤風朝雲何鬱淒澗底渴素虹喧厖萬壑聲鼓  
舞寒溝中回頭潭影低石幢出芙蓉隔谷聞丁

新山先生集 卷之五  
丁雕鏤殊未窮五丁鑿金牛非必皆鬼工陵谷  
本湏臾千古唾愚公  
桑濮已靡靡王風自蘋蘩吾道已矣夫求野茲  
庶存春絲晝簾靜窈窕揚微言素琴鏘房中高  
雲跨前軒萬類各有求幽谷芳蘭蓀高唱德自  
隣耦耕道斯尊閒風澹荆門桃李紛外樊德公  
許我來君其具壺殮

春仲偕仲醇遊楞伽山過故所讀書處飯  
趙凡夫墓所

人生無留影歲月忽十五縹渺讀書窓雲含亂  
山舞斑斑墓草深曖曖宿微雨壽比松與栢于  
焉縱尋斧孤泉如絡絲石上聲自苦雀啄游女  
塲花開酒家土眼前我與汝題詩跡已古  
當時送吾友偶至東山麓風來蒼浪浪快我心  
所獨乾坤悶靈氣果此遂幽築石破土已膏水  
出山如沐藥壠開稻畦時哉坐雙鶩高高松原  
上白石淒以穆何以虞尸賓朋游奏觴肉枳花  
圍作墻寒扉不禁啄吾生有棲托喧寂相互逐

誰非斯人徒歡與游豕鹿

吳曲羅明府晉北儀部之任贈別明府與

余長安有故丁酉冬余北上公追至江滸  
餞之北固山故首章及之

案牘江中了烟嵐戶外青來朝紅藥砌夢到綠  
莎汀欲問朝廷禮先占郎署星相思楊子水亦  
有峴山亭

潤州有峴山

十載論文意飛揚及此時一將郢人調再整漢  
官儀日月餘青簡風塵托素辭腐儒粗糲厭擬  
欲向君私

余三不上公車戊戌以病憤不竟試出都  
門作

惆悵浮生墮棘闈幾番心事悵多違縱教白壁  
難酬價誰遣流黃不上機怕到暮春留客佐懶  
扶殘醉待花飛殷勤還有雙歸燕相傍東園紫  
竹扉

勞勞毀譽十年身滾滾征衣萬里塵從未入宮  
誰是妬飽經逆旅漸知貧烟花禁籞遙含曉野

柳溪橋亦放春。憔悴青袍憎草色。不堪頻與送行人。

自將名字帝城誇。每及歸時柳未芽。半刺老將懷裏玉。十年常看夢中花。蒙茸草閣書成帶。冷落江楓牘滿車。還喜倚閭雙健在。羸君三月尚思家。

萬事如君得自由。汀花社燕亦春秋。無端眼底珍鷄肋。漸遣燈前誤虎頭。去住盡看窮鬼面。笑啼重上故人舟。灌園陳仲成高枕。枉殺當年爲

汝謀。

懷仲醇

雜興

有州二十四。不能鑄一錯。人生三萬六。不得一日樂。過去日苦多。未來杳難模。縈縈萬思慮。總爲見在縛。見在在何所。過來并除却。莊周與蝴蝶。相化兩莫莫。

來時此楊柳。歸時此楊柳。楊柳未破黃。客胡復東走。主人牽客衣。無乃太健隄。解爾腰下綬。貫爾黃糝酒。客對拙言辭。逡巡指其肘。不見君家

燕飛飛出朝牖。去賺冰上魚。亦復長飽不  
彌空塞黃霧。行鴈亂其序。疾風橫面來。使我不  
得語。悽悽日影下。彷彿見儔侶。病馬嚙樹啼。斧  
杏作薪煮。酒漿槽頭泣。相對何楚楚。竹燈挂窓  
櫺。照我舊宿處。

棗林逗餘日。汲汲望村火。盥水不終湯。且對三  
騶坐。塵冠拂不開。浮埃枕前墮。臥起襪被囊。苞  
苴不成裹。壁上題詩人。思歸盡如我。歸語室中  
兒。旅次真瑣瑣。

吾當三十時。四十看已翁。咲彼髮已黃。車馬何  
憧憧。一朝行及身。奔走不有躬。世事相因依。在  
俗能異同。轆轤豈不勞。激搏任虛空。貿貿各有  
爲。僕僕徒相逢。寄言意氣者。君子亦有窮。  
古人擁萬卷。雅勝君百城。美玉苟在斯。被褐亦  
自榮。寤寐心所歡。豈爲世好嬰。鄙哉學俳偶。逐  
嗜不得停。五色了無主。心手相鬪櫻。三日織一  
縑。新故忽已更。機杼不能言。司市默以瞪。自有  
章句來。芻狗充棟楹。豈無特立士。崛強竟何成。

苟不救饑餓。石田焉可耕。替立士。謗譽殊孟浪。一身萃媮妍。高天而深淵。相去一何懸。愆咎卽苟塞。酬知更難言。身名不兩飛。君子敢處全。韜精示其璞。衆詠相雕鐫。寘身高壙上。弋者或慕焉。何以息吾影。遺恨於簡編。人言隔陰昏。多是隔世事。今日思昨日。忽忽亦何意。因緣和合生。豈必可思議。步伐吾猶人。無才不中忌。我豈好窮哉。抵壁若唾棄。病在耳目前。二豎亦劇感。力命互有權。肝胆不我制。

高原凍初坼。忽已秀新蕓。况我江以南。青青自陵陂。十五二十時。春暉尚遲遲。醉席紅白花。仰視低昂枝。驅車此行役。觸目多所思。里中黃衫郎。鞭梟垂楊堤。我將施行歸。或恐年少窺。顧問客何來。何當衣上泥。

長安非天上。望望不能前。夙興戒車徒。臨發惟頻褰。大道固孔夷。傾脫以忽焉。矍索空爾勞。或乃瓦注全。遇合寧有常。卿相亦偶然。四十不動心。我已非少年。驅車過鄒邑。有泚不自湔。

感夢

遠客心胆孤。因夢苦相虐。五更聽車鈴。已畏白日落。往往心路熟。驚魂復相索。靈臺塞因果。夜氣焉所托。邀彼巫咸占。出口念已錯。欲驅三彭神。還之太虛廓。太虛亦不受。諸業非我作了知。萬法幻誰不爲幻縛。

臚傳日口占

彩雲重擁五堦前。木蘭雙懸御墨鮮。偶爾功名三語合。如聞姓字六宮傳。價從駿骨枯中貴。色

借蛾眉怨裏妍。顛倒十年京國夢。一時回首杏花韉。

賦得銀蟾花正開良夜

秋清河漢澹生輝。恍惚天花散紫微。珠露綴枝涼瑟瑟。綵雲縈葉影霏霏。疑從玉杵分香雪。似入雲霓亂舞衣。不恨月中零落盡。獨留仙掌待陽晞。

秋夜憶早朝

憶昔秋堂燭影移。捲簾數問夜何其人歸。燎火

殘星裏馬踏沙堤曉月時閣外漏壺聽欲盡懷  
中封事許誰知倉皇點檢朝衣在宣室傳呼尚  
未遲

又

爐香無焰數更籌恍惚班行夢裏收日日鷄人  
還報曙年年鳳曆轉驚秋千官影散朝天路五  
夜風高問寢樓正好委蛇從退食枕邊鐘鼓易  
生愁

秋李白送賀秘監歸四明

狂客新裁薜荔衣鏡湖魚鳥澹忘機秋風季子  
萼鱸思夜月壺公竹杖歸瀛海三山遙點綴剡  
川一曲轉霏微春明門外羣鷓鷯目送冥鴻萬  
里飛

瀛洲亭讀書

遠接三台路傍開二酉天星躔如欲曙藜火不  
成然學士山元碧先生草尚玄秋堂清磬發滾  
滾執經前

恭賀冊立分封禮成因獻萬壽

北極絲綸重東皇禮樂新山河徵玉器砥柱協  
宮鄰桂殿初颺號桐圭次展親離明先出震解  
雨不成屯國胤共球永宗彝寶玉陳前星扶日  
耀幼海接波勺彩仗開朱邸祥烟麗紫宸龍姿  
瞻特迥麟趾總能馴有道綿長曆頌恩正小春  
願言棠棣萼齊拱萬年椿

敬酬溫夫子贈章并以抒懷

十年心事付流言老盡蛾眉轉見憐豈有陽春  
真絕調彈將流水亦成絃高城月白分藜火小  
閣清風對草玄欲識宮墻新氣象雲華秋掌共  
澄鮮

又

公車初試薊門霜徙倚金臺舊道傍櫪下秋風  
勞剪拂樽前春色乍飛揚三朝袍笏龍章麗萬  
卷圖書蠹字香珍重國恩慚退食敢從世路問  
行藏

送立峰高先生

冊封潘潘便道歸省

玉節歲蕤下直廬王門遙曳鳳池裾桐圭原是

唐封地蒲坂曾藏漢史書絳水花迎丹闕外茸  
城草借碧山餘更將五葉堯雲色晝錦堂前慰  
倚閣

送溫夫子 册封萬安便道歸省

六傳駸駸下洛陽曳裾猶散鳳池香如圭桐葉  
迎秋碧似帶河流抱日黃緱嶺鶯笙隨使節周  
南蠹簡入奚囊亦知鄭重分封意寶册東朝取  
次將

送春臺年丈之任丘

高第還爲令掄才寧偶然股肱三輔重旱潦九  
河偏滾滾郵亭馬蕭蕭官舍蟬無窮手板恨端  
爲主憂捐

又

灌壇千里雨瀛海四郊春誰道風塵色長沾陶  
令巾文寧經世賤俸爲救荒貧不是無竒策殷  
勤問故人

送王夫子言事謫貴陽

自點螭頭筆心看去就輕至今瞻袞闕敢復論

王程痛哭留封事。長噫出帝京。可憐離仗馬。萬里不成行。

又

回檢晴窓疏。真堪挂此冠。敢私天雨露。聊與世波瀾。草色郊原盡。河流井稅乾。蕭然看道路。誰爲說艱難。

又

禮樂開蠻郡。山川借逐臣。驛從雪浪盡。春到印江貧。曉霧竹鷄語。暮烟山鬼親。相逢青瑣客。半

是問津人。

送同年李丈歸省

淮流遙接海門長。玉杖扶鳩出畫堂。瑤圃欲傳三鳥信。泥書先報五雲鄉。鹿車舊市留通隱。熊膽寒燈憶共嘗。此日春風輝彩翟。瓊卮分得露莖香。

夏日泛舟下潞河

湛湛溪蒲綠。灣灣郭樹斜。與君京國話。借作故鄉誇。水氣清沙草。河痕繡土花。遙看車上客。望

屋間茶瓜

送人歸娶省親

四十年來號大家，早停膏沐卷羅襦。寧辭秀色消金鏡，獨抱清心映玉壺。詔許陳卿歸卜鳳，情知令伯念慈烏。春歸夜暖看花燭，并作高堂獻壽圖。

又

旌竿此日草茅偏，幾度秋霜點鬢乾。柏苦自甘春泚泚，竹斑長共月娟娟。堂中彩舞鸞箋影，闕

下彤書鴈使年，珍重里門相拜詔。兒孫爭導板輿前。

存問紀事

里門新捧御書鮮，爲報東朝寵數偏。心事再酬焚草後，鬚眉還憶茹芝先。春從玉案傳滄日，暖借彤庭賜帛年。次第斯干占國慶，遍呼兒女祝燈前。

壬寅春舟泊楓橋待客不至寒山寺訪曉  
山上人書畫香茶爲供

絳山先生集 卷之五  
燈含帆影亂。鍾雜市聲昏。杳杳竹深處。蕭蕭僧倚門。獨將殘雪色。遙對遠山言。又聽烏啼急。江城送客喧。

僧復花山故刹

不改青山色。還安白石禪。空林原古刹。僧臆始今年。鷄犬桃花外。香燈竹樹邊。重來荒徑合。幡影導君前。

沈姬故淮人也。侍御公過淮。夢喜鵲啣槐花來。以姬歸。俄而公卒。姬以死殉。夫槐者

歸也。姬得所歸矣。壯之爲賦。短歌

三月渡淮清。若空鵲啣槐花墮。掌中合婚有時。花露融。移植庭前。號守宮。一朝驄馬呼不起。宛轉蛾眉爲之死。誰云乾鵲占不靈。花死留香報君子。我有千金劍。懸之塚樹傍。塚樹不能言。劍花湛湛凝秋霜。淮河渡頭一片葉。已挂閩江高。白楊白楊蕭蕭不復春。燕泥寂寞空梁塵。逡巡下拜白太傅。故是當年歌舞人。

立秋日同仲醇集閑仲澹圃卽事

朝霞閣不散簾外薇花晴樹色交交入池光宛  
宛明話深幽鳥出局靜亂蟬清不待庭陰暮微  
涼暗自生

記詠歸思賦小橋紅寺西長齋作秋社曉讀帶  
春犁客自招新隱門應有舊題生涯真澹泊寂  
寂荳成畦

十月十五日

冊立分封禮成齋 詔東

下

遙聞仙樂駐黃麾裊裊爐烟引案移鶴禁曉鋪

金屈戍鳳樓晴啟玉葳蕤宮雲長紫千秋節輦  
草初青百子池廿載養成鴻鵠翼 皇情端爲  
萬方私

琅函五色下芝宮十月陽春驛樹紅夜半日輪  
重海上天邊星影照江東老臣涕淚謳歌裏游  
子衣冠拜舞中檢點退思真過計當年園綺幸  
無功

送吳函所年兄使竣還朝

駢駢駟馬出汀洲次第絲綸掌上收邑譜延陵

新禮樂家餘南史舊春秋堂中萱草天偏近池  
畔薇花月尚留記得寒江歸路共風雲獨擁仗  
車遊

七月望雨中同仲醇諸君子淮雲寺薦先

次仲醇韻

四野桔槔收北山雲尚流薄烟生近郭細雨作  
新秋落落剛逢汝茫茫盡解愁招提何處是幡  
影直城頭

宛然晴雪路曾與梅花期香發酒深處客來齋

午時春原看築社秋水又分岐眼底成興廢寒  
林尚古碑

瓜果媚盤好茵陳飢坐清秋花僧共老踈葉雨  
成聲山鬼如投寺村鴉亦避城豈無留客處多  
恐費逢迎

日氣樹中碧微鐘烟際來虞山行莫矣吾黨賦  
歸哉法施湛然滿慈音聽漸哀竹枝深夜雨曾  
否到泉臺

天寧寺別叔達

記宿山窓雪。悠然更遠行。朔雲郊樹色。落日寺門情。鴈鼓從鄉社。寒花似弟兄。看君飛動意。且莫羨歸耕。

別同門

甚負留人月。蕭蕭挂屋隅。歸看畦菊在。好寄驛梅俱。同喜于門合。道將求野孤。夜深寒馬立。便擬怨驪駒。

別同館

洵美西清彥。如何苦憶歸。一聲鴻信起。萬樹葉皆飛。淡泊書生面。蕭疎使者衣。行藏各相見。俯仰莫教違。

沙溝見杏花寄長安同志

羯鼓催春十萬家。龍池柳色盡含霞。可憐寂寂沙溝水。日暮行人也自花。郎君袍笏正嵬峩。此日紅潮暈彩羅。折取一枝憑驛信。報君春色到黃河。

途中志所見

河上揚塵日。天邊貢篚時。帷裳漸水薄。書劍出

關疑璧盡馮夷笑。圭成使者移。輜軒有非是。祇許寸心知。

虎丘

木末已蒼然。微陽挂客船。鴉歸人影外。鳥宿塔燈前。宴坐經行地。默參歌舞禪。厭厭清夜咏。月到可中圓。

虎丘無題

秋水爲神玉爲骨。眉頭無語香初發。閨門細裊游絲春。相思澹澹梅花月。

清霜片片着衣乾。紅燭行行影樹寒。唱道月明歸去好。游人啼鳥一時闌。

上馮琢菴座師

宮隣誰第一。典冊待君將。欲識河山固。先徵砥柱強。春官真夙夜。日御正初暘。調燮需商鼎。分封出夏璜。乾坤瞻羽翼。禮樂自吾皇。喬木追先永。芸花憶始芳。大風吹垞漭。穹嶽表顛昂。才識推兼噐。規趨儼大方。降申通志氣。冶化入文章。疏灑危明淚。文迴却顧腸。躬因王事蹇。髮爲老

謀黃密畫安宮寢。明謨弼廟廊。論勲常處後。借  
箸或從旁。啟事多原牘。賢書獨擅場。紛紛諸吏  
士。濟濟望宮墻。雷鼓龍門曉。雲深鳳閣涼。匠材  
寧寸朽。臣馬媿無良。末路蹄先倦。高天首忽驤。  
戴山真欲舞。飲海不知量。久沐全枝借。終然半  
壁望。撫時悲少壯。感舊惜輝光。不改杯觴地。曾  
沾篋笥香。可憐長棄置。還喜一相當。貴敢忘藜  
莧。歸誠足稻粱。平生餘眈眈。出處總津梁。台席  
紆麻詔。師垣望袞裳。蒼生應自急。燕雀若爲忙。  
未嗣爲綸業。誰知杼報錦。囊心隨兒女。入夢逐鴈  
鴻。翔歷歷星辰上。長懸舊直郎。

丘寒谷先生八十

大理久朝列。歿不貽寢丘。負薪懼勿克。吾生遑  
自謀。縕絮結敝席。腹中長休休。問君何爲爾。墳  
典羅床頭。寂寥太音始。碌碌安所求。鴻濛鬱人  
文。苞符吐神理。希微象數先。浩衍圖書委。不能  
市名譽。自娛聊復爾。鄰壁光已貧。村壘久餘耻。  
載酒時相從。惟我二三子。

浮沉老書蠹忽已登耄年親知走相賀漿醅羅  
堂前對之不能餐指我架上編韋編未三易我  
病行自還爲學喜不益撫已心晏然  
檢勘平生書如掃明窓塵窓塵掃復積千古常  
泯泯以茲悟玄化廓然得迷津彭鏗亦區區壽  
老空自珍跼踈窺井旁難爲達者陳

中泉范翁八十

老熟種樹書漸與山鳥狎。問君草木年視我長  
一甲。忽見春窓青。相期理鋤鍤。陰繁舊竹醉。雨  
過新枝壓。願拈無量花。共說無量法。

雪朝獨步園中上東城待酒不至

東城一以眺海氣何茫然浩浩天表明恍恍開  
林廛野色漸分樹人家猶未烟遠界寒河流莽  
接滄江天我思垂綸者對此心孔閒  
飄雪落衣袂疑是樹上花樹上三五花蚤已迎  
風斜薄寒禁香氣可人隔窓紗眷言駐庭陰聊  
此留歲華臈酒未出房雪意消殘茶

春雪不待客獨游及崇朝歛然叩園扉排竹開

平橋熒熒碎玉葉隱隱見寒條道心共澄素虛  
宇曠寂寥參差群動來落鴉亂林梢

秋日玄宰邀飲舟中同仲醇游畸墅

得得山情近深深客意便高延九峯翠半借竹  
樓烟種樹書無恙看花榻尚懸滄洲吾欲共未  
許白鷗專

癸卯八月望社友陶逸則王閑仲從祖伯  
栩同上春宮賦此以壯行色

津頭楊柳猶鳴蟬君胡急駕春風船八月潮頭  
高拍天乘之欲賦明河篇長沙徒翻新騰騫記  
君夢踏天門穿琅琊文字今誰專仲氏正熟黃  
梅禪太原袍笏當盛年汝宗孫子先着鞭鷄鳴  
壯舞結束便步擔歷落星斗圓竹堂風緊沙霰  
乾與君共割牛衣羶有淚曾灑蕪城烟一朝六  
傳驅風還窮途反覆看已妍君不見平原珠履  
驚四筵成功尚在錐囊邊海內春秋推廣川三  
策忍齒慙不鮮撫時忠憤不可鐫藉子一吐彤  
墀前東村酒色如紅泉語簷燕子聲蟬連彼中

樂事知己偏有客問我我不言笑指天半三飛  
鳶

雨中同仲醇過淮陰寺聽雪浪禪師講經  
出谷每相逢拈花得所同飲僧松影裏說法雨  
聲中自洗經行鉢還叅過去鐘殷勤留半偈欲  
解已成空

題白公石

愛此一拳石居然長五湖曾分池上碧肯學谷  
中愚尚迴星辰色寧彫冰雪膚影含松窈窕質  
伴鶴清癯洞小空全歛鱗皴浪暗輸鴈鴻峰外  
落蝌蚪壁間模下拜人如在能言骨未枯移山  
看已老更有舊題無

送張瀛海年兄還朝

春雲遙護紫宸居彷彿千官唱第初玉筍纔班  
池上客金蓮新直禁中廬幾多溫室難言樹更  
有彤墀未獻書白首尚矜臚次在天涯朋好莫  
教踈

夏日侍家君看周市蓮花還宿古塘其明

日齋于淮雲寺

朝氣北山昏清陰滿寺門一簾禪壁冷獨樹講  
堂尊禮佛能分拈經擬共繙鉢蓮開面面如  
解比丘言

贈馬給諫時服先中丞之喪

客從遠方來蕭然臥竹院家世列鼎鐘中懷凜  
霜霰僧厨熟伊蒲未敢先生饌難測情寄深但  
覺語際斷夜雨龕燈青薄言托禪觀爍爍素冠  
子是我心所歎

莽莽林薄間大夫亦徒行高談以當歌挂壁空  
酒鎗懷人苦不多萬里勞遠征聲聞陋小乘月  
旦輕世名寒泉藉修綆安能俟河清俟俟中丞  
公博譽垂令稱榮業何足道視子先民程  
吾道有是非曾人笑東家千秋閉靈籥玄黃自  
萌芽幸托香火林蹇蹇驅鹿車俯仰去來今歛  
若棲浮苴山頭笙鶴聲過眼如流霞漏洩春光  
微君來嗅梅花

堅吾叔祖署數宜興

荆溪碧水繞官衙。滾滾諸生隔絳紗。還許文章  
映桃李。不妨吾道有龍蛇。先儲破牖蘭陵酒。次  
品驚雷陽羨茶。北望五雲春樹裏。一枝禁得上  
林花。

訪歸季思

麥秀水西林。伊人宛在門。披帷風自遠。入室氣  
如溫。萬古不盈掬。寸心聊可捫。寂寥茶榻畔。吾  
意亦忘言。

罷藥翻緣病。慵耕敢道貧。踈梅真似我。亂槿不  
關人。草木山中曆。弟兄原上春。呼兒營小築。未  
欲惱比隣。

送曹中丞治河淮上

畫熊迢遞出關遲。袞繡重來未可期。四瀆故湏  
新節度。三江仍稟舊旌麾。長淮白日魚龍夜。大  
澤秋風鴻鴈時。舟楫賴公無恙在。汗萊東土若  
爲治。

乙巳清明後新霽踏青時。春寒間有霜  
日出。東城花氣揚。叢叢游女大堤香。今朝北郭

藤蕪路。故是清明風雨場。冷碧尚禁新變火。踈紅欺得晚來霜。當杯底事傳籌急。不見簷前燕子忙。

王家渡看桃花。是日微苦暄。俱步仲醇韻。楊柳絲青欲繫船。船頭紅紫趁人鮮。千村煖霧烘茅屋。一道晴霞入暮田。客到轉思留客雨。花深更愛養花天。斜陽渡口從相識。桃葉桃根不記年。

春日同諸君看桃花。汝戢墮水先歸走筆

戲之

十里茫茫撲花霧。游人棹頭不還顧。忽報楊郎出水坐。尚沐楊枝半身露。誰爲詛子春花前。背人瞑立滄浪烟水中。歷歷花影然照儂。雙眼不得眠。君不見薛主簿魚頭落几身。臥席又不見洛中人不免。更索癡龍食。人生倚伏豈有極。此日此花難再得。不須津頭賽河伯。但莫尊前避惡客。

同仲醇諸兄飲藤花前

客來索我桃花詩。桃花已轉藤花時。常將春服  
二三子。憶得晴烟千萬枝。藤花滿架香不足。更  
結青蘿上修竹。一片蔚藍天上雲。忽化寒溝半  
灣綠。東園老人插垂楊。對此攀條空斷腸。未論  
老癯禿如幘。且喜新柳過人長。柳南鶯雛入花  
串。人心亦隨鳥語變。二十四番花信歸。桃花反  
覆看人面。

贈石亭醫伯

肘後青囊到處懸。維摩嘗得病中禪。傳家更有

書千卷。不愛人間賣杏錢。

鄧尉山觀梅

檻外平湖匹練光。鬢髮梅塢共低昂。茫茫十里  
晴嵐白。隱隱千林水月涼。雪裏人家兼浪湧。鏡  
中魚鳥媚花香。由來未踏江干路。庾嶺揚州湯  
短長。

葵藿堂

露裏朝葵可採。風中秋藿先飛。谷口年年魚鳥  
五陵老盡輕肥。

坐隱亭

夢殘書在四壁。坐起香銷半跏。人影綠沉苔蘚。漁村白滿蕪葭。

問月軒

半額簾旌未捲。一床篔簹色先寒。墻外梨花弄白。居然月掛林端。

眺雪齋

滕王蛺蝶成陣。蔡州鷺鴨皆軍。獨眺意中何限。一燈漁火聊分。

登子房山謁子房祠

霸畧千年盡風雲。尚爾祠山河留氣色。冠劍表鬚麋心事。終黃石功名共紫芝。東園有遺老長此托風期。

秋季再過君策丈山園小飲抵暮而別

輕舟繞出神仙趾。山下人家半流水。風光的的武林源。到門依舊平原里。路轉溪迴百不同。秋葉髣髴當階紅。洞房窈窕路欲絕。飛梁忽跨高樓風。樓前參差戛寒竹。藤子垂垂挂樛木。人面

斜陽映晚曛鳥背濃烟帶微綠堂前橘柚香輪  
困主人未敢言山貧曲欄深閉五千卷等閒肯  
示尋常人山寺無鍾送客別與君坐到鳥聲歇  
相携忽過板橋東一笑溪潭半弦月

仲醇授經弁園歲暮歸送之

白日傳經罷高齋閉晝陰蟲魚饒書案童稚報  
車音舒卷四時氣回翔千古心家家能設醴偏  
向故人深

桃葉春堤暖梧陰夏簟清斯人發高詠灌木盡  
成聲歲共殘燈暮花仍舊臈明總關寥落意與  
爾得無情

豈謂便成別思君已不堪多言祗恨少苦語幾  
回甘臈樹黃初盡河冰綠尚含好留雙屐影隱  
隱着西弁

臈月望日同仲醇過楊氏放生亭中看放生齋茗而退

西風截岸歸潮逆蟹斷魚梁亂如織詹何任公  
競好手勁弩長絲共逼側落羽更飽俊鷗拳窮

鱗尚滿淘河臆慈雲忽覆河上亭道傍隱隱明  
龕燈龕燈發光磬發聲囚魚檻鳥皆奔騰徘徊  
怨頸却反顧逡巡妬眼留餘憎如聞喁喁水底  
語已見簇簇簷頭舞豈惜齒角登君庖念此生  
成天地苦白日曾遮木葉衣滄波不泣桑薪釜  
萬里雲羅鴈字圓千層碧浪蛟珠吐啣環化印  
都渺茫况此自覺心洋洋朱門可憐酒肉臭對  
案忽送茵陳香剩粒殘羹施江汜網影縱橫不  
驚餌桃花信信春濤空蘆芽陣陣春魚起若處  
津橋捲釣竿見說西村罷蝦市共向亭前看放  
生放生長者名流水

東坡作戒殺詩貽陳季常季常自後不復  
殺岐亭之人多化之有不食肉者正欲拈  
出示俗適有感于吾里宴會之侈因和前  
韻得三詩示閑仲肯偈此戒于里中不也  
人饑慕梁肉肉厭思茗汁徑寸神明倉螿蛔爭  
暖濕珍味縱可窮饑飽要自得于我實腐餘于  
彼捐所急曲曲方塘邊擾擾牧鷄鴨時哉謹棲

止柳花作茵幕憐汝巢卵傾忍使羽毛赤每來  
待曲宴倒甕浮大白漸爲腰緩帶或遣頭穿幘  
釜熟薪且勞餅飽湯已泣少損郇公厨鼎籩未  
爲缺淡然天人糧請以羞主客一枕茶寮清時  
時共來集

解牛豈無刀函牛恨多汁可憐登庖肉日且耳  
猶濕桑下有饑人一飽不可得我已摩腹行甕  
子進逾急砮柳穿跳魚擿丸射生鴨素鱗凍銀  
盤紅虬挺青幕大烹爲誰來呀然而發赤安得  
口中膾盡化草頭白本慙肉食鄙未老先投幘  
但對花鳥笑何負酒槽泣口實不願餘留此小  
陷缺吾黨餽粥斯勿若旅郵客好樂無已康良  
士憂所集

飲酒不盡樽啜肉不盡汁同生天地間念此相  
啣濕每見肉食人豈藿亦甘得斲牛挂脯林無  
乃非其急窓前能談鷄欄旁自名鴨性命嗟有  
制俄爾膏鼎幕五蟲毛領殊共茲一腔赤蜣螂  
縱高飛曷思蟬中白強力相噬吞何異虎而憤

新山先生集 卷之三  
撫已胡功能忍彼釜底泣吾欲食稱事稍補百  
行缺乞汝耕饁餘施我不速客願同雀鴿馴欣  
然掌中集

觀周林二君棋

鏞中火猶生枕上香已熟拋我讀殘書看君未  
殘局

寥寥三尺枰龍戰鉅鹿野誰握最先籌壁上觀  
戰者

索我數行書如睹山陰墅樵斧雖不靈十指亦  
能語

作客人未歸釀寒秋且變因却打窓風丁丁雨  
聲斷

羽觴流波

但有茂林修竹處處蘭亭永和不愁酒盃無羽  
只有流水生波

步虛臺

送罷九秋落日獨疑長天緒風不見滄桑海底  
時聞笙鶴雲中

華子渠

草肥春水將至花落新泉未疏一夜自通雨塹  
朝來喜罷雲鋤

禮星石

歷歷白榆未苑落落瓠瓜可餐壇前斗柄西指  
片石秋芒自寒

附詞

詠春暮調踏沙行

公子閑居花奴告老鬢髮沙雨和風掃青天酒

幔石榴紅大堤紈扇蒲葵小待可重來向誰  
尋討闌干盡日歸黃鳥兒童鄭重數榆錢一回  
不見春光好

咏墻外春調南鄉子

午日暈紅椒流白天絲任意飄酒幕香車東去  
了聊蕭燕子啣花坐淺巢茂苑更春饒柳葉  
蘆芽月滿橋席底人人應念道櫻桃剩得鶯殘  
雨又敲

蘆鴈調如夢令

風起蘆花如醉歷歷鴈行成字一點一聲寒霜  
重曉楓羣碎知未知未只在淺深河際

送仲醇歸調點絳唇

濕夢沉沉芭蕉雨嚮燈花卸月兒來也人又隨  
潮下最怕登高醉面秋風灑紅堪把茱萸看罷  
半刻重陽假

閨門夜泊叙懷

刻燭呼盧西風乍急簷頭鐵故人涼熱依舊朦  
朧別山淡雲濃漸短愁兒髮楊花月溪橋雨

滑坐到微鍾歇

正月晦前一日拉友人賞盆中梅念家園  
梅林中不釋戲成詞數闋詞寄二犯江兒  
水

梅花報道昨夜裏梅花報道春光到樹梢看娟  
娟弄色楚楚抽條傍闌干一簾清俏輕風吹素  
絹黃昏轉玉翹破臘偷瞧羞伴天桃咏花人若  
問我須及早薄寒未消只恐怕薄寒未消綠紗  
籠着且將那綠紗籠着冷蕊禁春索共招邀

何郎到來且喜我何郎到來流香生散齋這芳  
蕤欲語粉面垂擡覷知音春愁似海連拳嫩節  
捱盤龍矮髻歪露葉啼開漸把風猜嘆花神子  
星星兒頭早白清醺滿杯休辜負了清醺滿杯  
黃沙蒙蓋忽地裏黃沙蒙蓋試問陰鏗昨勝今  
來

好花眼前有幾日好花眼前一腔春未剪且傍  
香開宴趁影橫眠借風流將花笑撚酒拍水晶  
盤茶拋竹臼烟醉舞便便仔細俄延怪花頭半  
星兒心未展梳臺鏡邊莫不爲梳臺鏡邊關山  
笛怨休待到關山笛怨歡喜隨緣中酒年年

故園風味猛提起故園風味千秋雪漲迷更翠  
松掩靄黃雀喧棲渡紅橋爭投密樹花籌倩客  
携花茵襯地披羣玉山低不夜城西笑殺那苦  
零丁在官閣裡倒顛接籬那箇倒顛接籬霜酣  
月醉那一夜不霜酣月醉好事乖違落得魂飛  
則雖爲故園花事心迤逗却不道霎時間紅溜  
則我那素衣郎精神只得減半收這是慢發跡

的慢回頭早占先的早退後大熱鬧處大休囚  
小打闕處小徬俛總來呵酒闌花瘦我且葫蘆  
提渾着心莫便嗅梅花破了口

侯山先生集卷之五

緱山先生集卷之六

太倉主衡辰玉甫著

男時敏校

序

岳武穆王全書序

余友晉陵沈湛源氏敦行誼重然諾人也來署  
吾崑山縣學事余謁君獨石齋中中堂張岳武  
穆王像雖幅巾素袍而英爽勃勃有躍馬衝戈  
之氣余肅拜而歛歛者久之已又數月以武穆

全書示余則湛源所手輯也嗚呼千載而下見王之遺容斷簡猶髮立背裂嗚咽不能自已而况歷戎馬之場弔黍禾之墟窮楚些之所不能招極胥濤之所不能洗者乎竊嘗謂武穆之爲武也千古未有也當時稱公者曰忠孝曰兵有紀律公所自言曰仁智信勇嚴然具是數德者如諸葛武侯關壯繆郭中令李尚書之倫亦可以止矣其撫賊也猶或降或叛其戰猶或勝或不勝而王百戰百勝百降百不叛者何也卽無

論王凡王之所將皆勝皆不叛又何也將用兵卽如風如雨王其猶龍乎役使風雨者乎故曰武穆之爲武也千古未有也自古大將之不得其死者多矣死嫌死逼死猜死暴皆有所以死宋高素柔荏容物其倚公如左右手一旦起莫須有二字獄殺王父子如孤雛腐鼠而色不變卽其後虜渝盟南寇諸宿將促數耗矣而帝終不思檜之死也檜事反而王獄終不反是獨何歟故王之死非其死也亦千古未有也嗟乎

王功之震也黃龍府且掃地醜軍殘虜血肉如黃羊野馬不足食矣而忽焉頓掣寃橫以死死不在戰場而在犴狴不在介冑而在文墨不在深文弓藏之日而在乾坤龍戰之時是亦有天存焉一檜安能殺王獨恨一世忠及小臣數輩不能生王耳是年魏公浚方進除檢校少傅默不發一言後此六年乃以抗疏謫等謫耳待駁骨朽虎吻血而徐以影響形似之言挑取聲譽株殺罪過天下萬世其可欺乎甚矣張魏公之

倖也喪師殺將而已不與其責爵不降名不貶者有故天下成敗得失如轆轤然不激極則不反當其反時蓋亦有甲收乙果此結彼局弁與其是非而顛倒之者蓋自武穆以極忠極寃死故浚藉王之名以爲名而名僂歸之幸不可以再其後如韓如賈又襲浚之功以爲功功不成而萬有餘喪矣是浚卽不必爲王刀俎而王實爲浚嚆矢也嗟嗟宋運不再興當恢復之時與能恢復之人往矣而重以爲不能者嚆矢古今

續山先生集 卷之六 三  
豪傑之士憤張而不得吞者可勝道哉

詩經註疏序

吾友陶子逸則刪集詩經註疏成陳子仲醇序之于說經者有十疑焉夫陳子疑說詩乎則無疑于詩矣今天下治詩宗朱氏朱氏駁小序而泥古之士信好不衰余兩非之蓋自昔記言記動之史親屬耳目者不能無得失而况此寥寥韻言湮遠失次作詩一人采詩一人說詩者又一人卽真子夏吾疑焉何有于數百年後傳會之衛宏又何有于千餘年後鑿空之朱子且詩固無籍此序與傳爲也詩之爲教圓非若尚書之治亂執禮之進退春秋之是非噉噉乎一定而不移者也六義懸于此而人自以七情感之感易而義已遷矣奚世次名章之是求蓋詩于三雅言中最爲近人小子學焉而後儒尊經太過往往諱情而好言事諱音而好言義諱閭閻婦子之謳吟而好言聖人之名教今夫人眉眼徑寸萬貌呈焉而畫工肖之則嘖笑不兩兼矣

梵言三十六萬聲出焉而字義囿之則喉舌不  
互用矣間師三老執鐸而狗無所不關入而一  
切象魏東之則吏與民不相喻矣而孰知情之  
所感真于事也而孰知音之所轉博于義也而  
孰知婦子謳吟之入人深于聖人之名教也是  
故詩之律嚴而其用寬其嚴也雅不以奏郊廟  
頌不以奏朝廷而其寬也關雎可以燕老蘋蘩  
可以節射甚而萑草褰裳諸什亦可以參登歌  
揖讓之辭斯道也夫子蓋嘗于素絢切磋示深

旨焉卽其正樂之後僅僅使雅頌得所而十三  
國次序不能于魯太師之舊有所增加則季子  
之所觀可覆按也詩之亡也起于說詩者之太  
詳以詩為史將周宣鄭忽為淫辟武公叔段為  
誼臣乎以六藝為優劣將野麇為正緇衣反為  
變常武六月之類分大小乎以孔子為刪詩將  
詩無完章章無完句祈招之恤民反劣于鄭衛  
之誨淫乎必不其然此非但支離破碎失作者  
本意而其甚者且以紊亂彝常顛倒非是奚取

于詩爲哉余少讀詩經箋註常欲詳疏禽魚草木邑里人物之類而其涉于議論紀事者悉去之且留此一綫廣衍旁通之路以待天下性情之變而陶子曰不然夫解醒以酒滌言必以言矣姑爲衷衆說之衡以破二氏之墨守使讀者耳目闢而感道日新庶幾其有興乎余曰善因爲敘其刻如左

列國史補序

史今者以我史史古者以衆史史今史詳古史略詳者歸治敗于事幾歸是非于議論按冊而攷之十不失二三而略者若存若亡於土蝕蠹敗之餘非立案于此而檢括參合于彼則樊亂而莫辯今世好誦說司馬氏史記顧以其列國世家不免麤蕪爲司馬氏病夫不覩秦灰漢律之慘乎哉七制以還冢壁之藏發家國乘號大備而作者寥寥焉蘇子由歎前事之拙而其所自爲古史於左氏二國之外卒無一語短長以發新難而訂宿訛則又何也豫章魏華容氏意

惜之既以其全力爲全史又爲列國史補大槩  
以左氏國語國策爲本而旁證之公羊穀梁杜  
氏年譜諸書同則偏舉之異則錯舉而衷擇之  
事疑證以情情疑證以理務求至當而後已人  
謂華容上下三千年事如數一二以彼淹通茂  
明使執三寸弱翰錄起居注討郡國書而次第  
之顧不易易而愚竊歎以爲不然古史異者疑  
今史同者疑古史易辯析而難于編摩今史易  
編摩而難于辯析春秋時無論董之筆南之簡  
不媿名史卽公穀之多疵而其瑕瑜的然可不  
深惟而見戰國策士譎甚矣然人勇而謀詐或  
反留漏穴以示人而本如史遷其所爲貴黃老  
進奸雄者後世且得測其微尚而雌黃之故曰  
讀古史難而易若今則瑕瑜見而人知所趨匿  
矣試觀今廟陛之間青簡書白簡訟皆言之有  
故使王者左右聽而况于史彼其金匱石室之  
紀旣秘如鼎書泥檢而不可窺而褻談野記又  
皆蓄墨兵于心而以塗說爲輿吾誰與爲證譬

之羣閔于市苟立之平而設叅伍必得情焉而其誹于腹稽于唇礪礪於室者雖面而質之且奈何哉嗚呼後之為史者其窮矣夫

皇明禦倭錄序 代父

自頃朝鮮中倭

朝廷以大義發師往救復其王無何款議興倭出入畚山待報者數年廷臣至曹起而爭或言此

高皇帝祖訓中名其為賊擯不得復通者余時

適在事獨計以為通倭難矣而倭原未軼我尺寸地我兵一出為解紛則有名久絀為求敵則非計於是借為

上言請得以便宜乘吾勝勢翕張而善藏之彼以貌來吾亦以貌許使其徘徊將翔先入我穀中而間以修內地守戰備既久情見絕之未晚幸

上明聖主行要以戰後議款款後議絕而朝廷始終不失體不受曲名然爾時呼吸造次間

未暇深考舊事也既余病免歸而廷議益譁  
主款主戰各堅其說卒汗漫不可收拾以至  
於今余竊兩疑焉會駕部岡伯王子手輯一  
編示余曰  
皇明禦倭錄余令兒子莊誦而伏聽之喟然曰  
嗟乎嗟乎此

高皇帝之所以屈羣力也觀其首諭朝鮮次諭  
倭遣使遣僧諄諄乎若憫其鬪紛而憂其危  
亡者是不惟愛我兼愛朝鮮且兼愛倭蓋愛  
倭所以愛朝鮮愛朝鮮所以愛我也卽沿海  
寇掠不過隨入隨禦而已增防設戍而已却  
其貢而已敕使悔過而已休其大兵且至而  
已終無有遺矢亡鏃于三韓之境說者曰

高皇帝度不可勝倭而權忍之夫

高皇帝以全勝天下獨難倭哉蓋天下之勢有  
不可勝以待勝者有可勝而不必勝者有日  
勝而日負者以我而就倭求勝萬里征繕動  
彌歲年此日勝日負之道也洋洋

續山先生集 卷之六  
聖謨以天澤定衣冠以河海游鱗介虞于周譁  
兩用若環總之外而不內以

祖訓中擯倭初指爲綱而稍經緯之未見有堅  
決如近議者

列聖相承大都縻之不必款絕之不必戰謹銜  
勒寬鞭箠重與倭以逆名迨嘉靖中海備日  
弛倭乃得挾奸民誘導飛棹舞槊于吳越閩  
三省間者十餘年我兵蓋騷然奔命晚而息  
肩以殲倭報成功則東南半壁且甌脫矣夫

是固

高皇帝一使片紙之任也而今之議者好侈言  
胡中丞之力戰以律近事夫中丞固先議撫  
撫變而戰戰乃在緣海內境彼來而我應之  
非我求敵當時猶得不補喪息肩之難如此  
况於今涉海萬里外索款索戰而不必應者  
哉難不更甚乎昔者駕部嘗戒心于倭矣毀  
家饗士勃然有乘風破浪之思茲倭氛彌熾  
而駕部獨閉門却掃而成是書駕部寧爾然

自悔其雄心將善易者不言易乎若曰今日  
方

高皇帝戶口加多甲乘加競可滅此朝食無用  
此响濡兩可爲者夫

高皇帝真不能勝乎抑有不必勝者矣

### 嘉定縣新志序

淄川韓侯來尹嘉定膚敏廉清次第修廢決壅  
爲嘉民百年之慮蓋初猶稍稍別白禾莠以威  
稜佐道化三年之後鳴琴而四境治矣乃以刃

割之暇與二三耆俊討論邑志而手潤色之凡  
五閱月新志成余受而卒業蓋愀然發古今之  
愀焉夫邑里之時析時合時耗時實也與世遷  
者也遡嘉之遺跡健將揚旗之壘飛仙舞鶴之  
墟尚且塞爲榛塗化爲闌園而况津梁壇宇廢  
興由人者乎若存若亡有掌故在抑吾猶記二  
十年前之嘉定也丁壯棄產而逃彌望甌脫今  
高原靡靡農趾錯而屋櫛比矣問何以故則曰  
田賦之有則也徭役之易充也我吳蓋自周文

襄平壤而後代有興革諸繁苦浮淫之竇漸剝  
漸平漸減漸輕譬如負千鈞而趨者遍而減之  
千羨百百羨十恨不卽徒手而蔭道旁耳嘉定  
役至于條編賦至于折色而賢牧伯之所調停  
良父母之所營畫幾無餘力矣侯又以善巧方  
便與民變通凡籍于書者皆口嘗而知辛鹹手  
揣而知輕重後之來者奉爲矩程參伍焉而不  
輕變法雖百世可也惟是民情風俗其爲化也  
密移易知而難名爲志者第能紀其風土節物  
之舊點綴面目而已要無當於神理蓋昔王文  
恪之志姑蘇曰蘇民西近華東近質濱海之民  
多悍夫質與悍則嘉定似之矣俛仰百年以來  
風靡波流非但醇酒之味醜卽烏堇之毒亦漸  
以薄矣而其大畧猶可概見余聞之外大父嘉  
定當弘正間里中大豪引蒼頭盧兒牽黃臂蒼  
騁而過里婦子皆走匿甚至有把官吏短長持  
白挺而擬其後者而今大家畏小民如畏蛇虎  
其敢訟勇鬪輕犯法者止輩竇之無賴耳悍不

啻且馴矣惟質則尚存第見吾里以西竒冠冶服靡日不新流言飛文無脛而走問之嘉嘉不知也洞庭之珍吳江之鮮朝而東下筐筥立罄過嘉之市而不問也士人務爲新聲一唱百和又或飾交游課玄虛以博名高往往得志去而嘉之儒宿抱其嚶嚶好古之志卽窮老而不悔也仕宦者甫釋蔬躋置田出息遍境外而嘉纓紳之產多不踰中人其列肆以游居積而牟利者皆僑客也蓋其智拙于爭時甲第之盛物產之豐不能與他邑爭勝所自來矣夫民亦何厭之有以叢爾僅存之質而立乎聲華之闕濃澹相形貧富相耀而有如長民者聽其自化不隄之以分義申之以勸懲卽嘉又能長保此質乎夫以齊風之大也聖人刪詩而次以魏唐卽葛履之褊心蟋蟀之勞苦而猶有取焉若曰救大國之奢必以小國之儉救沃土之逸必以瘠土之勤今吳俗偷矣華不已而侈侈不已而僭又數十年後無論他邑不知嘉之爲嘉尚有先進

續山先生集 卷之六  
遺法可以爲四方則不韓侯曰救政者于已形  
于已敗一弦未安卽更一弦志可攷鏡也救俗  
者于未形于未敗夫吾旣表而樹之矣時浸漑  
而觀厥成則以俟後之君子

### 吳氏族譜序

吳氏族譜成于大司寇洪而大備于君棊諸名  
家序致其事已詳最後余始受而讀之吳自宋  
端平中太尉公扈從南遷吳江始有吳更歷五  
世若存若亡至孝子璋而始顯孝子子南官保

公洪子官保公山稱名卿他爲藩牧郡守者四  
人鄉會進士幾人太學茂才等若而人蓋孝子  
之後甫再世而甲第之顯赫祚胤之藩庶一至  
于此他姓所未有也猗歟盛哉族之有譜也以  
敬宗而收族夫人而知之雖然至于五世而祖  
且祧服且盡矣遙遙遠胄貴賤貧富殊量嗜欲  
殊趨居不同里門食不同井爨強而聯之曰同  
卽序以鴈齒班以燕毛而其中有途人之心目  
瞪瞪相對按譜而始識其號字此如郵吏之數

過賓過而不有於睦族何居焉吾甚怪張公藝之書忍也彼所與同居者何人而必忍而後同乎忍而後同可謂同乎易之同人曰天火同人君子以類族辨物物固不可以強同人必有所自生所自生者同勢不容受之以異人知髮膚之皆父母而後知愛髮膚知疾痛之呼父母而後知謹疾痛不然情欲之所不至一身之外且視之若委土聚沫然欲強途人而爲兄弟其亦難矣故晉臣之譽其友曰有孝德以佐公族而

孔子更推而廣之舉居處敬事君忠蒞官敬朋友信戰陣勇而總歸之于孝非虛言也水有源愛亦有根故孝子公終身所保僅僅匹夫之行孺子之慕而兩尚書諸大夫鐘鼎旂常之大業世世取資焉而不匱窮源溯本以有斯譜譜之成也喬木日茂而手澤漸漸蔭其下者袒跣箕裾而不顧又或者尋之斧斤矣余故諄諄然提本始而訓之孝觀斯譜者必繹焉思焉若接口澤于杯棬矚遺容于尸祭庶幾不途人其同姓

而誼益敦乎其猶有敗類忘檢問師黨正所不能禁者有高曾之家法在其不瞿然而泚頽者非情也吳氏之譜乃可以世也矣

### 巖棲集序

松上人受具足戒修蒲塞行刺指血寫華嚴經若干卷泊然深居於世味了無嗜也而獨嗜詩其詩清新雅秀皎然清晝之流而鑱刻過之集凡若干卷其游越中詩曰巖棲集而屬余爲之序曰子巖中人宜序我巖中詩余曰余有所不

解于子者三夫詩緣情情緣愛以子之法忍至于棄口腹刻肌膚不以爲苦而獨不忍棄此無用之香豔一不解也閨梨自有本色禪亦有本色詩如寒山子輩不歌不律鳥鳴泉流而已而子字必綺聲必諧襲寶珠瓔珞以爲莊嚴衲子而奪詞人之藻二不解也且子旣已入不二門矣山林丘壑與林厖厠溷一也奚取于巖棲其有取于巖棲吾未見枯稿幽香之好與穠臭紛華之好異也三不解也子先爲我解我爲子序

續山先生集 卷之六  
上人適爾而笑曰夫子以天下無無情之文耶  
夫日雨感而成虹烟雲感而成嵐風谷感而成  
韻是何情乎所感不同而設色比韻濃淡纖宏  
繫之矣且夫空中華燈上暈病不在空與燈也  
子姑旋汝目而觀之余肯其言識之簡首

### 逸民史序

陳仲醇氏史逸民逸民之義則魯語有之逸之  
與隱有別乎曰有自古巢許之事若存若亡三  
代盛時閭胥之教行而四民之職舉其有孝義  
俠烈者欲隱而不見不能也孝義俠烈必待隱  
而後見者衰世之事也其志苦其章晦其君子  
之不幸乎若逸之品則疑于神矣如雲飛虹起  
有目者何嘗不見第不得而控揣之繫羈之云  
耳春秋之時荷蓀丈人之爲隱也諒至于三黜  
不去之下惠與採薇之子同稱爲逸而孔子生  
平轍迹未嘗三年淹顧反自以爲異于逸民此  
其故不可以尋常蹊徑論也大抵處天下事者  
身在事內職在事外火以外觀則明局以外觀

則清去就以外觀則輕人我得失以外觀則冥  
故遯之立卦以止爲德以枯稿爲容而惟上九  
之遯爲肥或又曰蜚以其又處于遯之外也昔  
阮孝緒著高隱傳分三品以名氏勿傳者爲上  
始終不耗者爲次棲心塵外者爲又次而余論  
逸民微不同先藏用次藏名又次乃藏身蓋孝  
緒品隱而余品逸故也雖然蜚遯尚矣六遯皆  
無凶辭所戒者獨尾耳君子處貧與賤蓋有非  
道而不去者其所以異于富貴則有說矣人生

從壯至老其所閱歷大抵自淡而之濃如螭蛎  
處腸胃飲食臭味無不顛倒有如常以遐舉玄  
覽之心卷舒事外如六龍互變而皆以潛爲根  
大則雲從小則豹隱卽下而曳塗之龜不猶愈  
于臨牢之彘乎弓旌邈矣山淪谷委面目不真  
生旣不能以爾公爾侯人間腥腐之物維繫賢  
者而沒復欲以三寸管窮之執百世之標影揣  
摩人寤寐中行藏而差池其品目尚論者之所  
不敢出也故仲醇之志逸民也寧詳無簡寧仍

續山先生集 卷之六  
故文勿參以筆削其取諸全史本傳者若干卷  
旁採諸郡邑志者若干卷傷元史傳隱逸勿詳  
也作隱逸補又若干卷而山林倫物之美至是  
始覩大全余與仲醇少同業長同志當追趨逐  
嗜時意有所不可輒相顧擲筆而嘆曰青山白  
雲知我心者未數年而仲醇隱于東余白石山  
又十五年而余以史局乞歸養則旣尾且厲矣  
雖然逸民之爲逸也我知之矣余與仲醇同乎  
異乎請以俟後之傳逸民者

古文品外錄序

陳子仲醇選古文品外錄旣成以示王子王子  
曰余不敏讀古人書如隙中數鴻毛爾已持敗  
橐囊雲霧而已品內之不知焉論外乎陳子喟  
然嘆曰人莫不飲食也鮮能知味也先正樸重  
于古人之文類論而不議雌黃而去取之自昭  
明文選始昭明以降選者莫煩于宋然昭明以  
六朝選古文也猶之乎六朝也宋諸公之以宋  
選古文也猶之乎宋也要之乎世囿文文囿識

矣非但自囿其識邇耳而邇目之抑且囿百世  
以下讀者之識非但囿讀者之識抑百世以前  
作者之神情笑貌筋骸脉絡種種生動之妙亦  
囿焉而不得出矣人第知窮餓者之苦而不知  
醉飽之過也今夫稻梁魚肉天下之至美也抑  
以口食不以舌食如滷如坻若嚙若噉于是乎  
羨之梅未漿之茗含辛之糞禁火之飴皆得而  
奪其好迨于一嚼甘再嚼醒予之以稻梁魚肉  
而後知其美也新陳之相化其亦何常之有至  
于新者陳而陳者乃始復爲新民之好新甚矣  
不使之日新於虛談小慧剝剝離跂之學而使  
日新其好于古人之文章亦猶尚論之遺意也  
余故擇兩漢以來之文未經前人採拾而旨遠  
情深者得三百篇其或詞章之外別具世變余  
亦間爲箋其始末附紙尾以備咨考凡余所爲  
如是者要欲學者知九州之外復有九州九畧  
之外復有九畧引伸鼓舞其聰明使之不倦而  
已王子笑曰噫嘻子之糟粕則猶吾之醴齊也

子病在飽余病在饑且也非品外人誰能品品  
外文者陳子賢乎哉夫我則不暇

唐叔達詩序

嘉定唐叔達少以異才名未三十輟去舉子業  
入問子今何好曰好讀書讀書何事曰無所事  
也浮沉里閭中舌不能戰筆不能耕人多以爲  
迂惟同里二三博雅君子盛相推服以爲叔達  
當今無輩余時頗有亦黨之疑癸巳余從家君  
至京邸叔達偕焉爾時士氣猶發舒投匭言利

病者紛然叔達爲私議某得某失具言其始終  
沿革之故胷中若有成案者時東西構兵萬里  
外羽書情形不可測叔達獨逆斷此當是某喜  
事某害成或兵失將意或兩將不相得已而果  
然余怪問子何以知之叔達曰吾觀古人某時  
某事類此吾竊意之耳居常笑張空拳開橫口  
者如木騶泥龍不適于用酒酣氣振往往捋鬚  
大言曰使吾而得志其爲李文饒乎余默不應  
他人則啞然笑而已其與人交未再面輒欲吐

肝膽與之倘遇紛難陰爲控解甚力而面揭其短使痛自懲人多不堪至有覆見怨者家葑田百畝與孤姪寡妹共又好貸與居京邸兩年盡修脯濟貧交遂洗手歸鋤舍後數畦地剪韭種菘苟自給而已余嘗規之君子爲人爲已當亦有緩急交淺言深取約與泰皆非其宜叔達默然然終不能改也叔達作世俗酬應文耻爲諛詞每不能當人意乃其論利害寫情景名言續紛老法澹宕今人不能及也間以方寸覆瓿紙

寫雜體詩如墨鴉余見而擊節多以他語亂之不竟讀迨再索觀則已薦几上塵矣頃余友王岡伯拉與北來搜其遺詩刻成帙余始得而讀之五言古高閑遠澹以方儲韋不啻過之七言古步驟老杜乃專肖其神情五七言律出入王右丞劉隨州間其才情橫溢無如落花詩雖不束縛格律要之無粉澤酸醕氣嗟乎今天下詞壇書棟百倍往昔大能市勢小亦逐貧頗有清真絕俗彷彿此隻語者不吾乃知今天下文章

氣節未必遂無古人要以古人生今時必不能  
挑取世名亦必不肯自爲名卽以此相天下士  
皆如此矣部成余謂叔達子誠落落雖然名譽  
不彰朋友之過也爲之敘述梗槩於卷尾

釣臺稿題詞

任白甫與余同鄉舉時年甫壯而其詩文名則  
已籠蓋三楚矣人僉謂進士科急君君何有于  
一進士乃至今尚不售而權司教於婺源婺源  
在新安萬山中學宮宸山而立會心亭亭焉白

甫卽亭前壘臺數丈曰釣臺與二三子講菘其  
中得若干篇噫嘻釣之于得魚也其道拙矣結  
繩而網之箠簫而斷之陽橋魴鯉以族卽禽其  
最下者不羞腐餘而乞殘於鷓鴣烏鬼所得亦  
以澤量孰與夫若存若亡漠漠坐寒江之上責  
効於徒手纖絲爲哉雖其有鼓髻如雲噴沫成  
雨力足以挾網破箠者非徒手纖絲之巧不能  
得也故任公子之釣課所得止一魚而卒以釣  
名今天下之爲文者吾知之矣塗膏拾瀋飾腥

續山先生集 卷之六  
三  
爲芳以餌庸衆人之饒日易易耳其有豪傑之士聞羶不慕齒腴不甘悠然澹然志在流水其又何術以餌之抑此猶其小者也心之精神脉脉千古瑟瑟片簡若吐而吞如躍而潛當斯時也危坐而讀之志動則竿移氣浮則綸輕目曠則波眩遠之冥冥卽之復驚欲出之重淵之下而登之作者之手憂憂乎難哉知是道者可與語任公子釣術矣請以序釣臺之文

曹以新詩稿序

夫倡和之理不其然乎昌黎與有籍湜眉山與有觀耒而其人皆以氣類合無里閭知舊之素蓋才之難如此嘉靖間吾州兩王先生以風雅之業鳴其才氣所鼓舞翰墨所冶鑄字內景從響附而吾州人士崑崙守樸學自若也獨其甥曹生以新者雋才多聞壯年棄諸生從兩先生游兩先生賞嘆不置曰曹甥似其舅而字內亦翕然信之以爲真甥舅云以新豐頤虬鬚捍目皤腹好節俠而多智竟兩先生之身奔走禦侮

憂而呻呼樂而嘯咏無不與以新俱以新間以  
其隻字片語操兩先生嘖笑而甲乙天下士天  
下士無不頹首願交以新者比兩先生卽世以  
新亦避仇吳中守風雨環堵裹足不復出而無  
幾何且病困死矣天生以新其以爲兩先生舌  
乎抑何始終參會之不偶也以新無子嗣子某  
刻其遺詩若干卷以新之詩聲格氣韻大抵步  
趨弇州先生獨其守部位最嚴往往諧白雪于  
里人束烟波于尺幅所謂魯男子之善學者以  
以新之才姑無論濟南使與梁謝數君子並驅  
中原固未知勝負所在而卒退而就於及門之  
列者亦以王先生屈也屈伸在王先生不在以  
新也以新于人少許可顧獨器愛余嘗忽忽顧  
余而嘆曰不佞于世交相棄矣惟是窮愁之簡  
終借子一言以不朽噫嘻皇甫謐之名非三都  
賦幾不傳是爲序永賦耶賦永序耶夫籍湜觀  
未之不朽也大矣余則安能爲姑志始末以俟  
采風者以新初字子念後以字行故更字以新

建文朝野彙編序

代陳仲醇

余少讀史至革除之際不數行輒涕洟不竟  
往過嘉興屠侍御以建文朝野彙編若干卷  
示余余爲參互校訂之嘆曰侍御何志之悲  
而慮之深也蓋自古治世之史直治而非治  
之史亦直亂世之史諱非亂而亂之史亦諱  
革除之時之泯泯也後世諸君子之撝拾也  
與夫侍御之檢括而參合也治耶亂耶可以  
觀世焉吾嘗恠武王克殷御倒戈之衆猶諄  
諄告語指天誓鬼以明心之無他而漢高帝  
剖符封功臣時天下已大定矣顧不能不紆  
意于雍齒蓋天下之羣力羣策可屈而匹夫  
匹婦之疑不可以少蓄如此乃革除之政顧  
獨以重典刑亂國與先代異道而同治意者  
國不易姓市不易肆襲

高皇帝之餘威董震壓之時有或然當然者歟  
而當時執筆者顧怵焉遂欲以一時之諂心  
抹殺千古諸凡可悲可涕之事悉輟而不錄

曾幾何時刀鋸尚暖箕裘晏然而弔湘哀楚  
之詞已充物踰溢如此而千百世以下遼遠  
不可知之人展轉口耳之外又當何如也嗟  
乎尚忍言哉故與其使仇詛吾親不若及吾  
子孫得引咎以謝焉滅曲直不載不若直陳  
其狀而微示以無可增加也斥野史爲盡訛  
不如互述其異同而明見其不必盡情實也  
然則侍御之直也乃所以善行其諱歟大哉  
文皇帝之詔也革除諸臣且儼然賜之祠額矣  
而議者尤有憾曰建文之不備史也不復  
也於綱常闕焉夫綱常者萬古之綱常寧以  
區區廢置爲完闕吾第患其久闕而乍完水  
奔弦激其所傷尤有大於備史復號者也則  
聖子神孫豫爲之計以殺人心之不平而闕後  
世之橫口是亦繼述之善者也

緱山先生集卷之六

辨山水坐其卷之六後竟其長安而形相與

之詞也

世之貴口其亦難也

聖子明氣與也之謂人效以不之者乎

本茲勉其所勉其育大於勤皮野親香也

圖圖察置為矣闕吾策患其及闕而自宗本

也其際常闕焉夫際常者萬古之識常寧哉

文而難者永其勤曰數及之不勤也必不衡矣

